

KHOLISO EA TSOHO EA HAE

Ke a u leboha, Moena Neville. Lumelang hoseng hona, metsoalle. Ho hotle ho ba mona tabernakeleng hape hoseng hona, ho rapela Morena Jesu. Ena ke tšebeletso ea rōna ea bobeli ho ba bangata ba rōna, kajeno. Re fihlile pele ho nako, hoseng hona, 'me Morena o kōpane le rōna ka mokhoa o hlollang. 'Me ke ne ke theohile ho bua le matšoelie metsotso e 'maloa, 'me ke sa lebella le ho qotsa mohlolithero. 'Me, ntho ea pele u a tseba, ka qala ka rera. 'Me mono ra ba le e—e nako e monate, 'me re leboha Morena ka sena.

2 Joale, re masoabi, ka tabernakeleng e nyenyane ena mona ha re a fumanela batho ba tlamehang ho ema joalo malulo. Ha ke batle sena, haholo, empa ke phetho seo re ka se etsang nakong ena. Ka hona re tla leka ho se le tšoarelle halelele haholo; ke litumeliso tsa Paseka feela ho lōna bohole. 'Me re tla rapella batho ba kulang, hoseng hona, joaloka ha ho tsebisitsoe. 'Me Morena a ekeletse mahlohonolo a Hae ho sohle seo re se etsang, hobane mona re tlie ka morero oo, hore Molimo o kōpane le rōna le ho re hlohonolofatsa.

3 Joale, tšebeletso ea bosiu bona ke tšebeletso ea kolobetso. 'Me lōna ba eso kolobetsoe ka ho qoelisoa, 'me le lakatsa ho etsa joalo, khele, re a le mema mona bosiung bona. Tloong, le itōkisitse, le tle le liaparo tsa lōna tsa kolobetso, hoba re lebeletse tšebeletso e khōlō mona bosiung bona, ka mokhoa oa kolobetso.

4 'Me joale, kajeno, ka ha e le Paseka, 'me bongata ba lōna bo se bo tsoa, ho ka etsahala, litšebeletsong tsa lōna, kapa le ne le tlie koano tšebeletsong ea ha letsatsi le chaba. Re thabetse ho ba le lōna karolong ena...ea tšebeletso ea rōna kajeno.

5 Empa ho tsoelapele ka puonyana ea Paseka, hoseng hona, re hulela maikutlo a lōna Evangeling ea Santa Johanne, khaolo ea 21, le temana ea 3 le ea 4. Le koana ho Santa Mareka oa... kapa Santa Luka, ke rialo, oa mashopeli-... kapa khaolo ea 49. Ke lakalitse ho bala metsotso e 'maloa. Pele, Santa Johanne 21.

Simone Petrose o itse ho bona, ke ea tšoasa lihlapi. Ba itse ho eèna, Le rōna re ea le uena. Eaba ba ea, ba kena sekepaneng; empa ha ba ka ba tšoasa letho bosiung boo.

Eitse...meso, Jesu a tšoha a ema lebopong: empa barutuo ba ne ba sa tsebe hobane ke Jesu.

6 Morena a ekeletse mahlohonolo a Hae karolong eo ea Lentsoe. Hape, ho Luka oa 49...khaolo, le ho qala ka temana ea 27.

Eaba o qala ka Moshe a isa ho baporofeta bohole, a ntse a ba hhalosetsa mangolong...a boletsoeng ka tsona.

Ba atamela motsana, moo ba eang ho ona: empa a etsa joaloka hoja a fetela hanyenyane pele.

Ba mo qophella, ba re, Hlola le rōna: hobane e se le nqa mantsiboea, letsatsi le se le rapame. A ba a kena a lula le bona.

'Me eitse, ha ba lutse lijong le bona, a nka bohobe, a boka, a bo ngoatha, a ba nea bona.

Eaba mahlo a bona a tutuboloha, 'me ba mo tseba; . . .

⁷ Phapano e kakang! Tulong e 'ngoe, ba ne ba sa Mo tsebe. 'Me tulong ena, ba Mo tseba, ka seo A se entseng.

. . . a ba nyamella.

Ba ba ba fihla bolellana ba re ho e mong, Ana lipelō tsa rōna li ne li sa chese kahare ho rōna, ha a ntse a buisana le rōna tseleng, 'me . . . ho a re hlalo setsa mangolo?

⁸ Joale na re ka inamisa lihlooho tsa rōna, nakoana ea thapelo feela.

⁹ Ntata rōna ea mosa oa Leholidō, re a U leboha, hoseng hona, ka ketsahalo e khōlo ena eo re e tšoereng, ho phutheha ka pel'a Sefahleho sa Kreste, tsohong; ho fuoa tiisetso ena e tletseng ea setsoalle se Khethehileng, ba nkang kabelo thakhisong ea Hae, ho thakhisoa le Eèna nqa lintho tsa lefatše, le ho tsoersetsoa bocha Bophelong Bosafeleng. 'Me tšepo ena e ahile ka ho rōna hona joale.

¹⁰ 'Me joaloka moporofeta oa khale, re re, "Re a tseba Molopolli oa rōna o a phela." "Ho phela kamehla, a lutse letsohong le letona la Boholo bo Holimō; Moprista e Moholo ea lōkileng, Eo Ea latsoitseng tšotleho ea ka emang lipakeng holim'a maipolelo a rōna." Re U leboha hakakang ka sena! Lipelō tsa rōna li chesa kahare ho rōna ha re nahana hobane re emetsoe ke e Mong, kajeno, ka pel'a Sefahleho sa Molimo o moholo le o Matla. Ha A shoa, empa o a phela, le ho lula ka pel'a Sefahleho sa Hae. 'Me O teng, hohle, ho tseba lintho tsohle, eamatlaohle matleng, a ka etsa lintho tsohle, ho tseba lintho tsohle, 'me o teng kamehla. Re U leboha hakakang ka lebaka la 'Nete e phahameng ena le e tlottlehileng eo re e tšoereng lifubeng tsa rōna kajeno, ho E thabela ka mofuthu o moholo!

¹¹ 'Me, ka Mono, A ka ngoa ke maikutlo a mahlomola a rōna, hoba O utloile bohloko ka lebaka la rōna, ho jara maloetse a rōna Kalvari. Re thabets'e hoo haholo, ho e tseba kajeno, le ho tseba tiisetso e otlolohileng eo re e tšoereng joale. O a phela, a re buella, a re rata. Na U ke ke ua lumella Sefahleho sa Hae ho hlola le rōna kajeno, ho e fetola Paseka ea mannete!

¹² 'Me, Molimo, ho ba sa U tsebeng hoseng hona, e leng basele, ba sa tsebe Kreste ka tsoho, re rapela hobane A tle ka matla a tletseng a tlottlehileng, ho tlosa libe tsa maphelo a bona le ho ba nea lintho tse molemo tsa Molimo, sebakeng sa tsona. Aba sena,

Morena. Letsatsi lena le hlahisetse mosalumele e mong le e mong ea ka pel'a Sefahleho se Khethehileng seo.

¹³ Hlohonolofatsa litšebeletso tsohle linaha ka bophara, tse tšoaretsoeng sehopotso se seholo sena kajeno.

¹⁴ Joale thusa mohlanka oa Hao ea sa atlehang, Morena, re sa ineela ho Uena. Hlohonolofatsa e mong le e mong ea leng mona. 'Me ho ke ho etsoe, tšebeletso ha e tsoile, re bu e joaloka bao ba Emmause letsatsing leo, "Ana lipelō tsa rōna li ne li sa chese kahare ho rōna, ha A ntse a buisana le rōna tseleng?" Aba sena, Morena, hoba re e kōpa ka Lebitso la Hae. Amen.

¹⁵ Paballong ea leano le leholo la Molimo la poloko ea Bosafeleng, mehleng e fetileng, mohla Molimo o no o hlophisa motho ho ba morapeli oa Oona, O mo entse, ho rua bokhoni boo. O ne a tla ba le takatso ea ho rapela. 'Me ho theoha le mengoaha eohle, esale motho a labalabetse ho nyarela ka nqane ho lesira le fehiloeng lipakeng tsa hae le moo a eang teng.

¹⁶ Ka A.D. 603, mohla khosi ea Engelane a na a kolobetsoa ka Lebitso la Morena Jesu Kreste, ke Santa Augustina. Enere ba lutse ifo bosiu bo bong, a ntse a bua le eëna ka Kreste, eaba serobele se rurela leseling, sa phuphusela nakoana se likoloha, eaba se fofa se tsoa. 'Me Santa Augustina a re ho khosi, a re, "Ebe se hlahile kae, 'me se ile kae?" A re, "O joalo motho ea fihlang lefatšeng lena. O fihla mona, o laoloa ke maikutlo a lithokutlo tse nyenyane, ha a sa tsebe hantle moo a eang teng. 'Me Buka e 'ngoe feela e ka 'molellang moo a eang teng, 'me eona ke Bibele." 'Me, ka polelo eo, khosi a sokoloha 'me a nea Morena bophelo ba hae. 'Me, hoseng ho hlahlamang, eëna le balelapa la hae bohole ba kolobetsoa ka Lebitso la Morena.

¹⁷ Motho ka seemo sa hae sa tlhaho, o a sitoa—o a sitoa ho utloisia lintho tsa moea. Li lemohuo ka moea.

¹⁸ 'Me joale ke batla le sekehetsi tsebe ka bokhoni ba lōna. Ke a tseba ho thata, lōna ba emeng, le hatellane kamoo letšoele le leng kateng. Empa lekang ho mamela Lentsoe, molemong oa ba kulang le bao ba kulisoang ke sebe; haholo ba kulisoang ke sebe, hoseng hona, 'me batla ho fumana khotso.

¹⁹ Phatlalatso ea tokoloho e tekeniloe. U lokolotsoe, u mpa u sa e tsebe feela. Empa, tumelo e tšoanelo ho fumana nqalo e Khethehileng ea phomolo, pele. Haeba u beile tumelo ho Molimo, u lōkela ho e fumanela nqalo e Khethehileng ea phomolo ho e beha teng. 'Me ha ho nqalo e molemo ho feta, 'me ha ho tsela e 'ngoe e Khethehileng ho feta, ke ka Lentsoe la Molimo le halalelang le inotsi. 'Me re batla ho phomotsa tumelo ea rōna ka kotloloho Lentsoeng la Molimo le ngoliloeng.

²⁰ Joale, motho, ka maemo a hae a nama le ka likakanyo tsa kelello ea hae, o ikuhuletsi hole le Molimo kamehla. Haesale, ho tloha tšimolohong, motho a labalabetse ho bona mose oane, empa esale a hōlehiloe tlung ea teronko. Ka linako tse ling

moetlo oa motho o mo hlahlela mono, ba ruta meetlo ea libopeho tse fapaneng le lipheo tsa ho rapela. 'Me o hlahlela motho bokhobeng, tlasa, moetlong oa hae. 'Me ho bile joalo esale lefatše le qala. Esale ho le joalo. 'Me o koaletsoe kahara e—kahara matlo a teronko.

²¹ Empa motho esale a labalabetse ho boba mose oane. 'Me nthoana efe e bonahalang e le kaholim'a tlholeho, ngoana motho o a e mathela, hoba ka nqane ho moeli ho beiloe tsepiso ea mofuta, ka nqane ho mola feela. 'Me hono o ho etsisoa ke kahobane a bopiloe ka setšoantšo sa Moetsi oa hae, Molimo o Matlaohle. O bopetsoe ho ba morapeli oa Molimo, 'me o tšoanelā ho fumana fera eo maikutlo ao a ka phorotsehang ho eona.

²² 'Me ke sepheo sa rōna mona kajeno, hoseng hona ha Paseka, ke ho le hlahisetsa 'Nete e tiileng ea Evangelī. Hase letho le ka ho motho, holim'a mokhatlo ofe, holim'a motheo ofe; ke holim'a Evangelī feela, Linnete tse bonolo tsa Bibele. Ke a lumela hobane Ke Lentsoe la Molimo le ngoliloeng. Ke E lumela ka moea oa ka ohle, pelō, kelello, le botho ba ka. 'Me taba ena ke batla ho e hlahisetsa sena, motsana oa rōna mona kajeno, ntho e khōlō ena eo ke e boneng e etsahala lefatše ho pota lilemong tsena tsohle tse leshome tse fetileng.

²³ Re lekile, makhelto, ho tšoara litšebeletso, litšebeletso tsa pholiso, motseng; e seng hobane ke hopola ke se na metsoalle mona. Hobane, ke na le metsoalle. 'Me le metsoalle ea ka, 'me ke a le rata. Empa mohopolole ke hobane mona ke lapeng, moo ke holetseng teng. Ke haeso, moo mang le mang a ntsebang mona, 'me taba eo e batla e thatafatsa lintho. Hoba, Lengolo le boletse joalo, ho itsoe, "Motseng oa henō, kapa hara batho ba henō," le joalo-joalo, ho thata ho fetisa ho hlahisa Evangelī. Esale ho lutse joalo, mengoaheng eohle, 'me e ke ke ea eba mokhelo joale.

²⁴ Empa, ke a lumela, ka pelō eohle ea ka, Molimo o tla re lumella ho tšoara tšebeletso hoseng hona joaloka ha re Mo kōpile. Joale, ke lumela A tla e phethisa. Ka baka leo, haeba A tla phethisa, ka Sefahleho sa Hae se seholo le ka matla a Hae a sa sitoeng ke letho, hoo ho bolela A le mahareng a rōna. 'Me ke nako e babatsehang hakakang eo, hoseng ha Paseka, ho fumana Morena Jesu ea tsohileng a tsamaea har'a batho, ho tsamaea mona, ka kholiso e sa fanyeng, e se nang ho hlakoloa e reng O hlile o tsohile bafung.

²⁵ 'Me ke tsitlallela hona, esale ke loanelā hona, hore Jesu ha a shoa. O a phela, o hlile o a phela, 'me ho tla lula ho le joalo, kamehla. 'Me ha Molimo o ka re lumella, ka mohau oa Oona, ke a lumela, hoseng hona, re ka le kholisa, kantle ho seriti sa pelaelo, ka thuso ea Moea o Halalelang, hore Jesu o hlile o tsohile bafung, 'me o phela hantle mona kajeno, ho phela hantle mona ka moahong, le rōna. "Ho isa bofelong ba lefatše." O e tsepisitse.

²⁶ Joale, motho, ka mokhoa oa hae oa nama, o hahile pele... Re tla elelloa hobane batho, ka maikemisetso a matle, ba leka ho theolela Evangeli tumeloaneng, ho leka ho re, "Be, re tla kena kereke." Hoo ho hotle. 'Me ka maikemisetso a matle, ho thoe, "Re tla baballa sebopoho *sena* sa e—e maipolelo a tumelo. Re etsa lithapelo tsena. Re tla etsa ntho e itseng." Empa tsoho ea Kreste e itšetlehile ka ho fetisang litumeloana, ho feta mokhatlo oa bolumeli. Leha koana, li ka loka hakaalo, le maikemisetso a lókile, empa hoo hase Kreste ea tsohileng.

²⁷ 'Me ke bona bohlokoa boo re bo setseng morao, hoseng hona, ke kholiso e sa tlaileng ea hobane Jesu o tsohile bafung.

²⁸ Joale, joaloka ha palo ea rōna e bolela, "Ha ba ka ba Mo tseba," 'me le kajeno ho a itšoanelia.

²⁹ Empa motho esale a labalabetse ho Mo tseba. Ho theoha le mongoaha, ba labalabetse ho Mo tseba. 'Me palo ea rōna hoseng hona, ea rōna... *Molopoli Oa Ka O A Phela*, tšebeletsong ea matjeke a Sontaha, mono re fihlela Jobo, leha a na a tsofetse hakaalo, homme morao koana qalong, tšimolohong, o ne a labalabetse ho tseba 'Mopi oa hae. Ka mantsoe a mang, o itse, "Hola nka tloha ka kokota monyako oa Hae ka buisana le Eèna!" Kamoo esale pelō ea motho e labalabela lintho tse joalo! 'Me kajeno, kamorao ho lilemo tse likete tse 'ne, tse batlileng li etsa tse likete li hlano kapa ho feta, pelō ea ngoana motho e labalabela hakakang ho ea monyako oa Hae, ho kokota monyako oa Hae, ho hõlehana le Eèna!

³⁰ 'Me hape, batho, ka meetlo, ba foufalelitse batho Linnete tse khôlô tsa motheo tsa Lengolo.

³¹ Joale, Jesu o buile hona hoo mohla A leng holim'a lefatše mona. O itse, "Lõna batsamaisi ba lifofu." O itse, "Ekare ha sefov se tsamaisa sefov, ana li ke ke tsa oela tsohle selomong?"

³² Joale, ho tlaleha Mokreste kapa baruti ba borapeli e le "lifofu." Ua bona? Molimo o hlahositse mokhoa ho Itšenolela batho, le ho Itsebisa batho. Empa, hangata, moetlo o koalla batho le pele Molimo o ka fuoa monyetla ho kena ho bona, ho Itšenola. Ua bona? Le a e tšoara na? Ua bona? Meetlo! Oh, seo se se kakang kajeno!

³³ Joale, baruti bao Morena Jesu a buileng le bona, e ne e le boramolao ba baholo. E ne e le baithuti ba tiileng. Ba ne ba boloka letere ea Lentsoe, molao, ho isa tlhakung; ho se tot kapa jit, kapa letho feela, le ka fetang la ona. 'Me ba tšoanelia ho o boloka ka phetheho.

³⁴ Ka hona, re ka phetheha hakana thutong ea rōna le ka likakanyo tsa rōna hofihlela re siea Kreste ka bottlalo kantle ho moralio. Re suthela hole le linnete tse tiileng ka bottlalo.

³⁵ Joale, ka hona, ho fihlisa 'Nete ho motho, ho Molimo, "Molimo o rometse Mora oa Oona ka Seqo, a entsoe ka setšoano

sa nama ea sebe,” ’me A tsoalloa mona lefatšeng. ’Me ea eba e—e moemeli oa libe tsa rōna, ea nyehetsoeng ka letsatsi la Kal- . . . mane Kalvari, ho tlosa libe tsa rōna; le ho re hulela tokolohong, le ho re holla matlung a chankana eo re beng re noketsoe ho eona.

³⁶ Joale, motho ke motšoaruoa. Molimo o tlalehile motho e le motšoaruoa, ka hona, ho fihlela ntho e etsahalla motho. Ke batla le e tšoare joale. Ho re, hofihlela ntho e ikhethang ena, e bitsoang Tsoalo e ncha, e etsahalla motho, a ke ke a khona (le ka mohla, ho hang) a utlosisa, kapa ho utloisia Molimo le ka mohla, kapa ho tseba Molimo le ka mohla. Leha Lentsoe le ka E bua, kelello ea ha e ha e khone ho E qhautsa, hobane ke kelello ea motho. O tlameha ho rua mohopolo oa Molimo ka ho eëna, ho utloisia lintho tsa borapeli. Ua bona? Ka hona, ho bala hohle, likolo tsohle, lithuto tsohle, leha li lôkile hakana, koana le joale ha eso be molao oa makhonthe.

³⁷ Molimo o rometse Mora oa Oona, a ntse a bolela Evangeli. Ke hantle. Evangeli ke litaba tse molemo. Ho Esaia 61, ho lōna ba ngolang Mangolo, Molimo o buile mono, ho bolela . . . Esaia, ke rialo, ka ho tla ha Kreste. O itse, “Molimo o Ntlotsitse ho bolela Evangeli, ho tlisa litaba tse molemo; le ho lokolla ba tlamiloeng, le ho bula menyako ea chankana, le ho lokolla baholehuoa.” Molimo o rometse Kreste ho bula menyako ea chankana ea batho ba lutseng lefifing. ’Me haeba u elella e—e papiso eo A e buileng, “ho ba lokolla,” e ne e se ba sa rutehang. E ne e le baithuti, ba balileng, Kreste o tlie ho ba lokolla.

³⁸ Joale e le hore bathoana bana ba utloisise. Mohla Kreste a ne a fihla . . . Ha re re, ho tea mohlala, kajeno, e mong le e mong oa lōna o ahloletsoe lefu. ’Me u lutse chankaneng, ka ho tseba hobane, ha letsatsi le chaba kamoso, u ne u tlameha ho shoa.

³⁹ ’Me ba bangata ba tletseng sebe, ’me ba le hole le Molimo, ba lutse nqalong eo hoseng hona. Batho ba bangata, e leng batho ba lôkileng ba le batle haholo, ba lutse maemong ao hoseng hona.

⁴⁰ Bongata ba lōna, ba lutseng mona ba tšoeroe ke mofetše, ba tšoeroe ke lethopa, le bofofu. Ba bang ba lōna, ba lutse maemong a mefuta eohle. Koana, Molimo o rometse Kreste ho bula menyako ea teronko, ho u lokolla. U re, “Na ebe maloetse ke bokhoba?” E.

⁴¹ Jesu o e hlalositse ka ho hlaka, mohla A boleletseng mosali ea khutlahaneng. O mo folisitse; a Mo beha matsoho, ’me a tsoha. ’Me ba qala ba fumana phoso, baruti ba entse joalo. O itse, “Na ebe le enoa morali oa Abrahama ha tlameha ho lokolloa, ho lokolloa bokhobeng bona ba hae ba mehleng, ba Satane?”

⁴² Ka hona, Kreste Molopolli oa rōna o tlie ho lokolla banna le basali sebeng, le ho ba lokolla maloetseng. Eëna, mohla A neng a shoa Kalvari, “Athe o hlabetsoe littolo tsa rōna; re folisitsoe ka maqeba a Hae.”

⁴³ Joale, ke tsona litaba tse molemo tseo. Ke eona Evangelie eo. Evangelie ke eona ena, ke ho re, Kreste o shoetse moetsalibe, Kreste o nkile sebaka sa mokuli. Kreste o nkile sebaka sa moetsalibe. Kreste o nkile sebaka sa monna ea metouto. Kreste o nkile sebaka sa lehlanya le hlahla. Kreste o nkile sebaka se seng le se seng, le ho re lokolla hlokalong efe le efe le sebe sefe le sefe seo liabolosi a re kentseng tlung ea chankana ea sona. Kreste o tlie ho re leballa, ho se moputso. Ntho e 'ngoe le e 'ngoe e a lokoloha.

⁴⁴ Mehengl ea makhoba, mohla bokhoba, 'me e le makhoba mona linaheng. Mohla Abraham Lincoln a na a shoa, ho lokolla motho e motšo, ho mo nea litokelo ho se hhole e ba lekhoba, ba ne ba lokolloe ha letsatsi le chaba, le bona. Ba ne ba thabile hona, ba tseba hobane hang ha letsatsi le chaba ba tla lokoloha. Ba koenneng ho feta, ba le matla ho feta, ba hloella holimō thabeng. Ba bang ba khonne ho hloella qhooeng koana; le ba bang bohareng koana; 'me ba bang ba le tlase koana. 'Me hang ha letsatsi le qala le hlahisa hlooho, linatla tse matla li ne le hloele qhooeng koana.

⁴⁵ Kajeno nka tšoantša hoo le Bakreste ba baholo ba matla ba nyolohelang liliklikoeng tsa Moea o Halalelang; bao ba sa tsoa tsoa tsamaea tseleng tlasa tokafatso; bao ba leng tlase khohlong ea pherekano.

⁴⁶ Ba ile ba nyoloha. 'Me hang hoba bao, ba nyolohe, ba le bone, pele, hole koana. 'Me ha ba bona letsatsi le chaba, ba hooeletsa ka mantsoe ohle a bona, ho ba leng tlasa ho bona, ha thoe, "Re lokolohile!"

⁴⁷ 'Me eaba ba e amohela, ba hooeletsa ba hlabela ba tlase ho bona litlatse, "Re lokolohile!"

⁴⁸ 'Me ba bang, katlasana ho bao, ba e hhalosetsa ba bang, "Re lokolohile!"

⁴⁹ Joale sheba. Ba holimō leralleng ba khonne ho bona letsatsi, ba ne ba lokolohile ke hona. Empa hang ha litaba li finyella ba tlase phuleng, o ne a lokolohile kamoo a tlang ho lokoloha le ka mohla, le haeba letsatsi le chabile kapa che. U a e bona?

⁵⁰ Kreste o tlie ho lokolla batlamuo. Ha u a tlameha ho katelloa fatše ke litloaelo, ka bophelo ba Mokreste ea sekheeqe. Molimo ha o u batle u eme joalo. O u batla u lokolohile. Molimo o tlotsitse Kreste ho bolela tokoloho, ho bula mamati a chankana. 'Me nako le nako ha u . . .

⁵¹ Ha re re u lutse ka mono, 'me kahlolo ea hao ea lefu e lihuoe. 'Me ntho ea pele u a tseba, ba mothating oa ho u tlosa ba u fanyeha, kapa ho fenetha ka tsela e itseng. 'Me ntho ea pele, u utloa motho ea theohang ka seterata, a ntse a re, "E tšoareng! Ke tšoere teballo. Ha u a tlameha ho shoa." Joale, ha u tlameha ho ema hofihlela o tsoile chankaneng. U lokolohile hantle mono joaloka mohla u tlang ho tsoa. Ka hona monna eo a ka thaba

hakaalo, a ntse a lutse chankaneng, joaloka ha a ne a tsoile chankaneng, ha feels a tseba hobane teballo ea hae e tekeniloe.

⁵² Ho joalo hoseng hona. Ke ena! Ho monna e mong le e mong le mosali ea pelō e lapetseng, ho tsoa liseleng tsa chankana hoseng hona, litaba tse molemo tsa Evangelii li a boleloa. 'Me ho sa tsottelehe, haeba u lutse u kula, haeba u sa lutse u tlamiloe, u ka lokolloa tokoloho hobane litaba li tlile, "U lebaletsoe!" Kreste o tsohile, lilemo tse sekete le makholo a robong tse fetileng, hoseng hona, ho lokolla motšoaruoa e mong le e mong, ho butsoe menyako ea chankana le ho ba ntša. Oh, ke ntho e tlotlehang hakakang!

⁵³ Ha ho makatse seroki se rarolohile hoba se utloe taba eo! Pululelo ea mo tea. A re:

Ho pheleng, O nthatile; lefung, A mpholosa;
Kepelong, O tlositse libe tsa ka;
[Sekheo lebanteng—Mohl.]...feela ho se
moputso;
O tla tla, Oho tsatsi le tlotloang!

⁵⁴ Tšepo ea molumeli ke ho shebella ho Khutla labobel, Khosana e khōlō ena E butseng menyako ea chankana ea re lokolla. Molato o koetsoe. Ntho eohle e lefeletsoe. Molimo le baetsalibe ba boelantsoe mane Kalvari, mohla Jesu a na a shoa. 'Me Molimo oa Mo tsosa ka letsatsi la borarō, bakeng sa tokafatso ea rōna. Hoo, ha re e sheba 'me re e lumela, re e amohela ka pelō eohle ea rōna, re beiloe ba lōkileng ka pel'a sefahleho sa Molimo o phelang. Ehlide e a u sisimosa! Ehlide e a u thabisa! Ebe u ka ikhutsetsa joang? Motho a ka itšoara joang, ea tsebang lefu le laletse pel'a hae mono, eaba ho hlaha teballo ena? Ke hantle.

⁵⁵ Le re Barabase oa khale o ikutloile joang hoseng hoo, mohla a utloang Moroma a etla 'me ntho e khōlō... ho tsoa litonolong? Lieta tse khōlō tsa tšepe li qititsa joalo, mahlaahlela a reketla, lerumo le hulana seterateng; ho tseba a tlilo bolaoa, 'me eona... ha a bula monyako! 'Me Barabase, a thothomela 'me a meketsa, a le mothating oa ho tsoa a baleha, a ntse a re, "Oh, pheletso ea ka ke eona ena!"

Ho re, "Barabase, ke balile, 'U lebaletsoe, ho lokolloa.'"

"Hobaneng," a re, "ana ha ke na ho shoa?"

Ho re, "Che. Ha u a tlameha ho shoa."

"Be, ke ile ka tlameha ho etsa'ng bakeng sa eona?"

"Letho."

"Be, taba ee e joalo joang?"

⁵⁶ Ekaba molaoli oa lekholo o mo sokolotse, ho re, "Ana u bona Monna eane ea leketlileng koana sefapanong? Ana u bona likhohlela tseo tsa sesomo ho tsoa sefahlehong sa Hae? Ana u

bona maqeba letsohong la Hae? E ne e le a hao, empa O nkile sebaka sa hao.”

⁵⁷ O u buletse menyako ea chankana, e le hore uena, ea na ahloletsoe ho shoa, O ile a nka sebaka sa hao. ’Me hoseng ha Paseka, Molimo o Mo tsoselitse tokafatso ea rōna. Khele, re beiloe ba lōkileng. Ha re lumela pale ’me re e amohela, khotso ea tokafatso e a haola’ me e biloha pelōng ea rōna, e ka maqhubu a se nang botebo a phethohang, ka mokhoa oa maqhubu a Boleng ba Hae.

⁵⁸ Molimo ha o a re siea re le likhutsana. O tsebile hobane E tla be e rarahane kahohle, matsatsing a tlāng; ka baruti, le ba joalo, ba Lentsoe, kamoo ba tlāng ho Le tsoakanya kahohle. Empa O rometse Moromuoa ka kotloloho le Lona ’moho, Moea o Halalelang, e leng netefatso ea tsoho.

⁵⁹ Ha Moea o Halalelang o le sieo ho Le nētēfatsa, nke ke ka lumela tsoho; nka be ke sa tōara letho haese thutamolimo; kapa nka be ke sa tōara letho haese kutloisiso ea kelello feela. Empa, kajeno, ha rea tlameha joalo... Kutloisiso ea kelello e itōketse; thutamolimo e itōketse. Empa re na le paki ka kotloloho. Moea o Halalelang ke paki ea tsoho ea Morena Jesu. Kajeno batho ba utloisia ka phoso hakana, letsatsing la rōna! Ha e utloisisoe hakana, empa ke tšepo!

⁶⁰ Mohla A na a ntša thomo ea ho qetela mono, mohla A na a re, “E-eang ka lefatše lohle, le boelle ’mopua e mong le e mong Evangel. Ea lumelang a kolobetsoa o tla bolokeha; ea sa lumeleng o tla tsuoa. Mehlolo e tla tsamaea le ba lumelang ke eona ena: Ka Lebitso la Ka ba tla leleka meeā e litšila; ba tla bua maleme a macha; ha ba tōara linoha kapa lintho tse bolaeang, li ke ke tsa ba ntša kotsi; ha ba bea ba kulang matsoho, ba tla fola.” “Tseo Ke li etsang le lōna le tla li etsa, le tše khōlō ho sena, hobane Ke ea ho Ntate oa Ka.”

⁶¹ Motho o re, “Moena Branham, na ebe thomo e khōlō eo e akaretsa tlase letsatsing lena?”

⁶² Ehlide. Ho fihlela kae? “Ho ea ka lefatšeng lohle.” Ho ba bakae? “Ho ’mopua e mong le e mong.” Ke moo. Ho Le lumela, ke Bophelo Bosafeleng, ho Le amohela.

“Hobaneng ke tlameha ho Le lumela?” u ka rialo.

⁶³ Hobane, ke Lentsoe la Molimo. Ke hantle. Molimo o ke ke oa khutlisa Lentsoe la Oona ka Seqo. Hang ha Molimo o bolela Lentsoe, O tlameha ho Le tiisetsa. Nka bua lentsoe, ka ntano le honyetsa; le uena u ka etsa joalo. Empa Molimo o ka sitoa. Ha A buile Lentsoe, O tlameha ho Le tiisetsa. ’Me O buile Mantsoe ao, ka hona Molimo o hlompha Lentsoe la Oona.

⁶⁴ ’Me tsoho e bohlokoa hakaalo kajeno, ’me e tiile hakaalo pelōng ea motho mang ea e lumelang, joaloka ho Maria Magdalena le ba emeng lebitleng hoseng hoo, ba Mo boneng. Ke

Enoa, 'me lebitso la hae le a bitsoa, "Maria." 'Me a qamaka a re, "Raboni," kapa, "Monghali!" E tiile hakaalo pelōng e 'ngoe le e 'ngoe hoseng hona, e tsoetoeng labobelí ke Moea oa Molimo, ka matla a tsoho, joaloka ha e hlahetse mosali eo ea emeng lebitleng hoseng hoo.

⁶⁵ Joale, u ke ke ua e phethisa kelellong ea hao. U ke ke ua e phethisa. Eka ho leka ho maneha moaho ka pampiri, kapa ho o farefa, athe maemo a mabe haholo, athe motheo o ahlotsöe.

⁶⁶ Haeba 'muso o ahlola ntlu, metheo e bolile, u ka haha joang holim'a ntlu eo? U haha ntho e tla heleha feela. Ho sa tsottelehe kamoo u ferefang kahare, u ka e maneha pampiri e ntile hakakang, u ka balla dishengele tse kae holim'a eona, u ka emisa lifika tse kae, u ka hloma lifapano tse kae ka ho eona, e tlameha ho oa, hoba motheo o fosahetse. Motheo o bolile.

⁶⁷ 'Me monna, mohopolong oa hae oa kelello, o fosahetse le ho qaleng. Ke molata ho Molimo. O khaotsoe, ha a na tšepo, ha a na Molimo, ha a hauheloa.

⁶⁸ 'Me seo a ka se etsang feela ke ho tla amohela Kreste. 'Me Moea o Halalelang o ntano kena, 'me mohopolo o nong o le ho Kreste o ka ho uena.

⁶⁹ Jesu o itse, "Ntate, ea Nthomileng, o na le 'Na." Oh, banna! Tlaleho e kakang! Lentsoe le le kakang! "Ntate, ea Nthomileng, o tsamaea le 'Na."

⁷⁰ Mamela! "'Me joaloka ha Ntate a Nthomile, le 'na Ke le roma joalo." Ha A u rome feela, empa O tsamaea le uena. "Ke tla ba le lōna, le ka ho lōna, ho isa bofelong ba lefatše." Sohle se neng se le ka ho Molimo se tšetsoe ka ho Kreste; 'me sohle se neng se le ka ho Kreste se khokhohetsoe ka ho molumeli, Kereke. Molimo o na le lōna. "Bonang, Ke na le lōna kamehla, ho isa bofelong ba lefatše." Ke eo phatlalatso ea Lentsoe la Molimo. Ke seo Bibele e se buang. Ke seo ke se lumelang.

⁷¹ 'Me haeba re tlameha ho e emela re le bang, e emele, hoba ke Lentsoe la Molimo. Motho e mong le e mong ea kileng a finyella kae-kae, o ne a tlamehe ho ema, a le mong, likholisehong tsa hae a inotši. Mono ha se ka setlamo. O Mong feela Ea tlang ho tsamaea le uena, 'me ke Eo Ea hlahisitseng polelo eo. Morena Jesu, Ke Eèna ea tla hatisa phula le uena. O tla foħla mofero o mong le o mong oa meutloa a hloe thaba e 'ngoe le e 'ngoe, lehlakoreng la hao.

⁷² Sikara joko le Eèna. "Hoba joko ea Ka e chatsi, le liphahlo tsa Ka li bobebé." U se ke ua sikara joko le lintho tsa lefatše. Se sikare joko le lisosaiti tse fapaneng le mekhatlo. Sikara joko le Morena Jesu Kreste, u ka e phethisa joalo. Lumela, 'me u bone tsoho.

⁷³ Joale, baapostola bana, leha koana e le banna ba tsamaileng le Jesu, ba kenela botsoalle le Eèna, ba tsamaea ka tlhaho,

joaloka batho kajeno. Empa ba sitiloe ho Mo elelloa hoba e ne e le Mang.

⁷⁴ Jesu o itse, “Bafarisi ba lifofu.” O itse, “Oh, le nka melao ea Molimo,” lemohang, “le e etsa ntho e se nang matla, ka mekha ea lōna.” Ua bona?

⁷⁵ E ne e le bao, baruti, baithuti, barutoana ba seminari! ’Me Lengolo le bua le hlakile ho thoe Jesu o tla ka mokhoa oo A kileng a tla ka ona, empa mekhoa ea bona ha e a Le ruta joalo. Ba ile ba leka ho Le hlakola lohle, le ho re, “Leo le ne le etselitsoe nako e ’ngoe. ’Me *Lena* se tla etsahala ka nako e ’ngoe.” Empa Molimo o fihla ka mokhoa o tšoanang.

⁷⁶ ’Me, kajeno, joaloka mohlang oo, ho tšoana le joale. Ba behella karolo *ena*, kathoko, le karolo *ena* kathoko, le ho re, “Molimo o sebelitse mohlang oo; A ke ke a e etsa joale. Ha e a ballooa letsatsi lena.”

⁷⁷ “Ke eèna maobane, kajeno, le kamehla.” Leo ke Lengolo. Re lumela hoo e le ’Nete. Re amohela hoo e le ’Nete. O tšoana ka molao o mong le o mong. O a tšoana matleng. O a tšoana leratong. O a tšoana ka mokhoa o mong le o mong oo A neng a le ona mohlang oo. Joale O tlide le Kereke, joalokaha Molimo o Mo romile le ho tsamoea le Eèna. Ka hona . . .

⁷⁸ ’Me Molimo o Mo tsositse. Holane Molimo o sa ba le Eèna, O ka be o sa Mo tsosa ka letsatsi laborarō. Ka hona, Ntate ea Mo romileng, o na le Eèna kamehla, o ile le Eèna lebitleng, oa Mo tsosa ka letsatsi laborarō.

⁷⁹ Joale, “Joalokaha Molimo o Nthomile,” O itse, “le ’Na ke le roma joalo. Ke tla ba le lōna, ka ho lōna, kamehla, ho isa bofelong ba lefatše.” Tsohong, mohla Paseka ea rōna e fihlang, O tla be a le teng mono joaloka Molimo ha o bile teng hoseng hoo ha Paseka, ho Mo tsosa bafung!

⁸⁰ Joale, papisong eona eo, O tlisitse sena. Pele tsoho e ka fihla, lefu le tlameha ho fihla. Hoba, eka khona e be ntho e ’ngoe, e ntano ba ho falla e ntano ba ho khutla, tsoho e tle e hlahe. E bolela “ho busetsoa.”

⁸¹ ’Me pele motho a ka tsosoa tsohong le Kreste, o tlameha ho shoa, ho ichoella; ho shoa, nqa bolekane bohole ba lefatše; ho shoa, nqa litloaelo tsohle tsa hae tsa lefatše; ho shoa, nqa lintho tsohle tsa bokhopo; le ho tsosoa, bocha.

⁸² Hape, ho khokhothoa ha Moea o Halalelang, ho khokhothoa ha Hae ka sebele; le ho kena kahare, ke rialo, ha Moea o Halalelang, o tlatsa sebaka seo. Ke hona mohla a tlamehang ho lumela Molimo. Ke mohla a bonang joaloka Molimo ha o bona. Ha a bone joalokaha baruti ba bona. Ha a bone joaloka litho tsa kereke ha li bona. O bona joaloka Molimo ha o bona. Ke mohla a bonang hobane Kreste o a tšoana maobane, kajeno, le kamehla.

O bona matla a Molimo a le maholo kajeno joalokaha A ne a le teng mohlang oo.

⁸³ 'Me ka maemo a hae a khale a nama, u ka mo ruta, oa mo chorisa, oa mo fehlella lithupelo. E ka mo hlahlela likerekeng tse fetisang ka bokhabane, ea mo neha litulo tse khabane ho fetisa, litho tse khabane. A ke ke a fetoha ka letho pele a shoa, e moo a tsositsoeng bocha. 'Me Moea o Halalelang o 'mitsitseng, oa mo roma, o na le eèna, esita le ho isa bofelong ba mongoaha. Amen. Oh, kea tseba hobane e harola letsoalo, empa ke 'Nete.

⁸⁴ Ka hona, holane Kreste a na a le ka ho rôna kajeno, O ne a ka etsa tsona lintho tseo A li entseng mehleng ea hae lefatšeng. Haeba Morena Jesu a tsohile bafung kajeno, 'me a phela har'a rôna, 'me ho itsoe, "Lintho tseo Ke li etsang, le lôna le tla li etsa, hoba Ke tla ba le lôna ho isa bofelong ba lefatše." Ka hona, mokhoa oa ho kholisa hobane O tsohile bafung o mong feela. Ona, ke mohlang, ha Kereke e lumelang hoo, Kreste o tla Itsebisa Kereke eo ka matla ona a Hae a tsoho ea Hae. E tlamehile joalo, metsoalle.

⁸⁵ Lena ke Lentsoe la Molimo kapa Ke Buka ea bohata. Ke hantle. Le nèpile kapa Le fositse. 'Me Le nèpile kaofela kapa le fositse kaofela. Lentsoe ka leng le bululetsoe kapa ha ho letho la Ona le bululetsoeng. Ke batla ho Le lumela.

⁸⁶ Pauluse o itse, "Ha kea tla ho lôna ke le rerela ka mantsoe a phahameng le ka bohlale ba batho; hoba, holane ka etsa joalo, tumelo ea lôna e ka theoa bohlaleng ba batho. Empa ke tla ho lôna, ke bolela Evangeli ea Matla a Molimo, tsoho ea Morena Jesu, tumelo ea lôna e tle e tiisoe." Pauluse ha a tla ka boiphihlelo bo itseng ba seminare, phatsimisa, le ho fokotsa le ho eketsa.

⁸⁷ O itse, "Ke tla ke tseba ho le hong feela; Kreste ea thakhisisoeng. Ke tla ke tseba ho le hong feela, ho le bolella Matla a tsoho, hore ke Kreste maobane, kajeno, le kamehla." 'Me ho Bagalata 1:8, o itse, "Ekare ha lengeloi le bolela taba esele, eèba e be thohako, ho lôna." Ke hantle.

⁸⁸ Joale, ana O tsohile? Re mona hoseng hona ho botsa potso. Ana O tsohile? [Phutheho e re, "Amen."—Mohl.]

⁸⁹ Joale, kajeno, ho thothokisoa liboka, lefatšeng lohle. 'Me ba likoloha hohle ka linthohali...ba bang ba bona ba khoesitse lifaha tsa merapelo, eo ba e pheta-phetang. Ho ho bona. Ba bang ba likoloha, ba ithorisa ba re ke litho tsa bolumeli bo boholo. Ho ho bona. Ba bang ba hloma lifapano tse khôlô, le lipiano le liogono, le meaho e khahlehang ea kereke, le ho re, "Shebang seo re tšoereng! Ba khabane motseng ba kena kereke ea rôna." Hoo ho itôketse. Ho ho bona.

⁹⁰ Empa ha ke tsebe letho haese tsoho ea Morena Jesu; leha e ka ba kahar'a moliko, kapa ka setaleng, e ka bang kae. Ha ke lakatse ho tseba letho hara lôna haese tsoho. Ha ke batle ho tseba na u lôkile hakae; hoba ha u a lôka, le ho qaleng. Ha re a lôka, le ho

qaleng. Ke batla ho tseba ho le hong feela, ke tsoho ea Morena Jesu, esale ho lutse joalo pelōng ea motho. Ka hona, haeba Kreste a shoele, yaa, a sa shoa, a mpa a boetse a tsohile, O na le rōna ke hona. Ka hona, tseo A li entseng mehleng ea Hae lefatšeng mona, O tlameha ho hlahaha hona hoo hape, ho latēla Lentsoe la Hae. O teng. 'Me mohla ntho eo e hlahisoang bocha holim'a lefatše, eona ntho eo . . .

⁹¹ Joale, mehleng ea Hae mona, ha A itlaleha e le mofolisi e moholo. Na O entse joalo? O tlalehile E se mofolisi. O itse, "Ha Ke etse letho ke Inotši. Ha Ke etse letho pele Ke le bona le etsoa ke Ntate; le Mora o le etsa joalo."

⁹² O fetile Letšeng la Bethsaida, teng ho robetse matšoele a maholo a batho, ba qhoalileng, lifofu, liritsa, ba shoeleng litho, lihole, ba omeletseng litho, ba emetse metsi ho fuluhuoa. 'Me Emmanuel ke enoa a hlaha, Jesu ke enoa a fihla, liaparo li tletsetse matla.

⁹³ Mosali o amme seaparo sa Hae, matsatsi a 'maloa pele ho moo, eaba o phelisoa ka botlalo. O ile a Mo ama, a baleha a lula har'a letšoele, kapa e ka bang eng. Jesu o ile a ema, 'me a qamaka. Ho re, "Ke anngoe ke Mang?"

⁹⁴ "Khele," ho re, "sheba matšoele, Monghali! E mong le e mong o a U ama."

⁹⁵ O itse, "E, empa Ke—Ke ile ka fokola." A re, "Ntho e etsahetse."

⁹⁶ 'Me A qamaka, holim'a letšoele, A ba a fumana mosali. A re, "Joale tumelo ea hao e u folisitse phallo eo ea mali." Ua bona? Tumelo ea hae e Mo amile.

⁹⁷ Eo e ne e le Jesu maobane. Eo ke Jesu kajeno. Eo e tla ba Jesu kamehla. Ha feela tlhoko ea pholiso e le teng, Jesu ea folisang o tla sala a le teng. Ha feela moetsalibe ea pholosoang a le teng, Jesu ea mo pholosang O tla sala a le teng. Ke eèna Eo.

⁹⁸ Eitse ha A feta har'a letšoele le leholo leo, ho ea koo a folisa monna ea robetseng moalang, eaba o tloha a mo siea. Khele, barutuo, ba Bajuda, ba itse, "Khele, shebang mane, shebang sehlopha sane! Hobaneng A sa ea koo a folisa *enoa*? Nka e lumela." Le joalo ka mokhoa oo, ba Mo belaetse. Ba bone monna enoa a jere liphate tsa hae, ka sabata.

⁹⁹ O itse, "Kannete, 'nete, Ke re ho lōna, Mora o sitoa ho etsa letho a Inotši."

¹⁰⁰ Na le bona moo A lebisang thoriso eohle teng? Moea ofe oa 'nete oa Molimo o tla etsa hona hoo. O tla lebisa thoriso ho Molimo, nako e 'ngoe le e 'ngoe.

¹⁰¹ Ho re, "Mora o sitoa ho etsa letho a Inotši. Empa seo Ke bonang Ntate a se etsa, le 'Na ke se etsa joalo. Ntate o etsa ntho, 'me O a Mpontša, 'me Ke tloha ho ea e etsa."

¹⁰² Haeba e ne e le Jesu lekhatheng leo, eka khona e be Jesu kajeno. Ke hantle.

¹⁰³ O ne a ema har'a letšoеле la batho, 'me A lemohe mehopolo ea bona. O tsebile bothata ba bona. O ne a sheba holim'a letšoèle la Hae, hangata, le ho re, "Le nahana ke'ng pelōng tsa lōna le bolela lintho tse fapaneng?"

¹⁰⁴ Mosali o tlide ho Eèna selibeng, ka mohla o mong, O itse, "Mphe metsi."

¹⁰⁵ A re, "Khele, hase tšoanelo ho Mojuda ho kōpa Basamaria ntho e joalo." Ho re, "Ha re sebelisane."

¹⁰⁶ Ho re, "Empa holane u tsebile eo u buang le Eèna, u ka be u kōpil metsi ho 'Na."

"Oh, joale," a re, "ho ka ba joalo joang—ho ka ba joalo joang?"

'Me O itse, "Ea lata monna oa hao."

A re, "Ha ke na monna."

¹⁰⁷ Ho re, "Ke hantle. U na le ba bahlano." Le ho re, "Le eo u phelang le eèna hase monna oa hao."

¹⁰⁸ O itse, "Monghali, ke a lemoha hobane U moporofeta." A re, "Joale, ke tseba eo e tla ba pontšo ea Messia." O itse, "Ke a tseba Messia mohla a tileng, O tla re bolella lintho tsena, empa uena U Mang?"

A re, "Ke 'Na, ea buang le uena."

¹⁰⁹ Ke moo. E ne e le eng? Pontšo ea Messia. Amen. Lemohang. 'Me, ka mono, ba e utloisisitse ka phoso. Ha ba utloisia na seo se ne se bolelang. E foufalitse mahlo a bona. Mehlolo ea Hae le lintho li foufalitse mahlo a bona.

¹¹⁰ 'Me ho a tšoana kajeno. Tsona lintho tseo li tla foufatsa mahlo a kelello ea nama, ha e utloisise lintho tsa Molimo. E khahlano le Molimo. Ke sera sa Molimo. Kelello ea motho ke sera ho Molimo. U tšoanelo ho tsoa kelellong ea hao ea motho, le ho tsoaloa bocha, ke Moea o Halalelang, le ho kenya mohopolo oa Molimo ka ho uena. Ke mohla u ka lumelang lintho tseo. Ke mohla e fetohang bonnate. Amen.

¹¹¹ Joale lemohang ke hona, mohla A na a le mona, lintho tseo A li entseng. Eitseha A tloha, O boleletse Kereke ea Hae, ka morao ho tsoho ea Hae, O itse, "Bonang, Ke na le lōna kamehla eohle, ho isa bofelong ba lefatše." Mahlo a bona a ile a tutubulloa. Ba ile ba e utloisia.

¹¹² Petrose le bao, pele ho moo; hoba e be motsoalle oa Hae e moholo, o tsamaile le Eèna, o qoqile le Eèna. 'Me Petrose o itse, "Oh, ke nyahame haholo! Ka morao ho lefu lena holimō mane, 'me ba Mo patile. Ke—ke nyahame. Ke a kholoa ke tla ea tšoasa lihlapi feela."

¹¹³ Barutuo ba emeng mono haufi, 'me ba itse, "Le rōna re ikela le uena." Ka hona, ba tloha, ba lata letlooa. Ho nyahama! Balumeli, ka mohla o mong, thutamolimo ea kelello. Ba kile ba lumela, hang, ka tlhaho. Empa, enereha tekonyana e hlaha, ea harasoana maqhetsoana.

¹¹⁴ Joale, mona, ha ke a ikemisetsa ho le utloisa bohloko, empa ke batla ho le lōkisa. Ua bona? Bopaki ba hobane haeba motho a tšoere tumelo ea hlalefo feela, ka ho re, "E, leo ke Lentsoe la Molimo. Yaa, ke a lumela Molimo o tsositse Jesu kajeno." Hape, hoo, ke phetho seo u se tšoereng. Mohla tšitisonyana ea pele kerekeng ea lōna, u a ngala, u a tsoa. Ua bona? Mohlomong u motsoalle oa Hae, empa ha u Mo tsebe ka Matla a tsoho ea Hae.

¹¹⁵ Le ka mohla, ka morao ho Pentekosta, moreri eo, Petrose, ha a eso bue joalo. Mohla ba seng ba tla 'molaea, ba tla mo fanyeha sefapanong. O itsé, "Ha ke a lōkela le ho shoa joalo. Hlanamisang maoto a ka; hlooho ea ka e lepelile. Hobane, Morena oa ka o shoele joalo, hlooho ea Hae e le holimō." E, lekhale, lekhale. Ua bona? O ne a le 'moho le Kreste lekhatheng, eaba Kreste o kena ka ho Petrose. Petrose o ne a eteletse pele lekhatheng leo, 'me, hoba Moea o Halalelang o fihle, eaba Moea o Halalelang o etella pele. Petrose a sala ka morao, eaba Moea o Halalelang o etella pele.

¹¹⁶ Joale haeba u tšoere feela... Haeba u tšoere mabaka a khabane, u tla lula u leke ho beela Bibele mabaka, lebaka, "Ebe O ne a ka tsoha joang bafung? Mehlolo ena le lintho li ka etsoa joang kajeno, selikeng se seholo sena sa tsoelopele, ka mahlale ao re phelang ho ona?" U leka ho e beela mabaka, u ntse u suthela hole le Molimo, ka linako tsohle. U ke ke ua Mo tseba ho bea mabaka. Molimo ha o tsebjoe ka ho bea mabaka.

¹¹⁷ Molimo o tsebjoa ka tumelo. U a e amohela. U a e lumela. U ke ke ua e khona pele ntho e etsahala ka ho uena, ebe Moea o Halalelang o a kena 'me u rua mohopolo oa Kreste.

¹¹⁸ Lemohang. Bao, ba tšoasitse bosiu bohole, ba sa tšoasa letho. E nyahamisa haholo! Hoseng ho hlahlamang, ka meso, tšebeletsong ea ha letsatsi le chaba, ba sheba mose ho lebopo, 'me teng ho eme Jesu. Empa ba sa Mo tsebe. Ke karolo e bohloko eo. Ba ne ba sa Mo tsebe.

¹¹⁹ Bosiu bo bong, ha seketoana se batla se teba, kantle koana leoatleng, sefefong. 'Me Morena ea ratehang ke enoa a tla ho bona a tsamaea. Ba itse, "Oh, tloha mona. Ke sethotsela. Ekare seriti. Ha re batle ho ama le Eona ka letho." Eona feela Ntho e ka ba thusang, e leng haufi le bona, 'me ba ne ba E tšaba.

¹²⁰ 'Me na nka bua sena ho lōna batho, kajeno, ba eso amohele Moea o Halalelang. Ke a eellooa, likeng tsa kereke, re fumana sesomo se sengata. Re fumana bongata bo lekisa Moea o Halalelang, athe ha ba na Ona. Ke hantle. Ho joalo likeng tsa lōna mono, hape, le ipolela le le litho tsa kereke, athe ha se bona.

Ke hantle. Ka hona, ha makoma a le teng, le mafosisa a teng. Hopolang seo. Ha neketifi e le teng, posetifi e teng. Ha dolara ea moshaqane e le teng, ea mannate e teng. 'Me ha motho ea somang a le teng 'me a lekisa Moea o Halalelang, o teng Moea o Halalelang oa makhonthe. Hopolang seo.

¹²¹ 'Me eona Ntho e ka le thusang; eona Ntho e ka le lokollang; eona Ntho e ka le hollang tlung ea chankana ea tloaelo, ho le ntša tlung ea chankana ea tšabo le pherekaeno; Ntho e ka u lelekelang mofetše 'me ea boela ea u etsa 'mopua ea phelang hape; Ntho e tlāng ho u tsosa hape matsatsing a qetelo; e ema pel'a hao hantle, 'me u A E tšaba. U se ke ua tšaba. Ké Eèna.

¹²² "Ke 'Na," O boletse. "Se tšabeng. Ke 'Na." Empa ba ne ba E tšaba; ho tšaba ho nka Lentsoe la Hae ka eona. O itse, "Ke... Se tšoheng. Ke 'Na."

¹²³ Jesu o ba botsitse haeba ba tšoere hlapi. Ba itse, "Che." Ho re, "Re tšoasitse bosiu bohle." 'Me ha ba khutlela lebopong ba fumane hlapi, e apehuoeng e robetse e lōkiselitsoe bona. Ba tsebile, ka mohlolo oo, hoba e ne e le Eèna.

¹²⁴ Ba babeli hape, ba mathang tseleng ea bona ho ea Emmause. Mamelang ka hloko joale re sa koala. Tseleng e eang Emmause tsatsi le leng, kamorao ho tsoho, ha ba le babeli; e mong, Kleopa, le motsoalle oa hae. Hoseng ho hotle ho kang hona ha sabatha, Paseka ea pele e babatsehang.

Ka kelohloko joale, ela Lentsoe hloko. Itōkise.

¹²⁵ 'Me eare ba sa hlomphile Paseka ea pele, ba tepeletse, ba nyahamisitsoe ke masoabi a hlahileng.

¹²⁶ Mona ho ka ba le banna le basali, kajeno, ba hlomphileng Paseka ena ka baka la masoabi a ikhethang, ntho e etsahetse. Empa, hopolang feela, Morena Jesu o nyolohile lebitleng kajeno. O phela har'a batho.

¹²⁷ Hangata, mehleng ea ka ea sekolo, re ithutile bophelo ba limela. Ke ithutile ka limela ka mehla. Limela, ho 'na, hase bophelo ba semela, hakaalo; ho sheba kamoo semela se holang kateng, le kamoo letsatsi le chabang, le lilo tse joalo. Limela, ho 'na, ke Eo Ea li hlotseng, ke Moetsi Ea fileng semela ho hola. Oh, lipalesa tseo tsa Paseka li ntle hakakang! Li shebeng. Oh, banna! Lipalesa tse ntle tse lutseng kahohle, ha ho mang ea ka li shalimang a re Molimo ha o eo, ebe kelello ea hae e nka hantle.

¹²⁸ 'Me ke bana mona, joale ba nyahame, ba khutlela lapeng. "Be, re ile ra qala ra tsoa. Ra hopola ho tla itōkela, empa re tlameha ho khutlela lapeng joale, ke hona, tseleng e khutlelang Emmause." Eare ba sa ea, ba nyahame, bao...

¹²⁹ Moqoqo o le motle. Ba qoqa ka Eèna. Ke mohla A neng a hlaha.

¹³⁰ 'Me lebaka leo A sa hlaheleng bongata ba rōna kajeno, moqoqo oa rōna o amana le sohle kantle ho Kreste. Kamehla re

qoqa ka mohla re tla qetela mosebetsi, kapa seo re tlang ho se etsa mona. Meqoqo ea rōna e be ka Kreste. Ke mohla A hlahang, ke mohla u buang ka Eèna. Le mpe le bue ka Eèna.

¹³¹ 'Me ba ne ba tsamaea, ba buisana ka Eèna. Koana, ba ne ba Mo rata, ba sa tsebe hobane O tsohile bafung.

¹³² 'Me batho ba bangata, kajeno, ba ratang Morena Jesu kannete, kantle koana likerekeng tse khōlō tsena lefatše ka bophara, ba rata Morena, empa ruri ha ba tsebe hoba O tsohile bafung.

¹³³ Lemohang. Eare a sa tsamaea, Moeti a tšoha a hlahile lihlahleng a ba lumelisa, "Malume hoseng hona," mohlomong. 'Me bona, ba saretsoe kahohle, ba robehile, ho ntse ho thoe, "Oh, ke ne ke Mo rata. Ke 'Mone a ema lebitleng la Lazaro, athe monna esale a shoele matsatsi a mane, le ho re, 'Lazaro, tsoa moo.' Oh, Monna eo a ka hila hloleha joang le ka mohla? Na A ka re soabisa hakaale joang? 'Me joale re ema ka lihlong le sekhobo? Re khutlela lapeng ho qala ka ho tšoasa lihlapi le ka bobetli ba rōna hape." Ua bona?

¹³⁴ Ana Mokreste oa mehla ena ha a joalo kajeno? Oh, ha pholiso e hlakisoa, ba hooeletsa tlholo. Ha Matla a Moea o Halalelang a tšoloha, ba hooeletsa tlholo. 'Me bao ba tlatsitsoeng ke Moea o Halalelang ka 'nete, ba lula ba tšoana leeto lohle la bophelo.

¹³⁵ Empa motho ea sa ntseng a tsamaea ka kelello ea nama, e re qholotso e nyenyane e hlahe, ntho e tsamaee ka phoso, ba se ba ngala, ho thoe, "Be, ke itse ho itōketse, empa, oh, banna, e shebe joale. Ke itse kereke e nyenyane eo ha e ka ke ea hloleha le ka mohla. Ke itse motho enoa . . ." U behile kelello ea hao nthong e phoso. Ua bona? Bea mohopolo oa hao ho Eo ea ke keng a hloleha. Puisano ea hao e se be ka kereke ea hao, empa ka Morena oa hao. Ke eèna Eo. E seng ka moahisane oa hao, empa ka Morena oa hao. Puisano ea hao e be ka Eèna.

¹³⁶ Eare, ba sa ntse ba tsamaea, ba qoqa; hang feela, Monna, Monna ea tloaelehileng feela . . .

¹³⁷ E ne e se mongoli e moholo. O ne a sa ruteha. O ne a se na thuto. Ho latèla tsebo ea rōna, ha A kena sekolo le letsatsi le le leng bophelong ba Hae, empa bohlale ba Hae bo ne bo siile ba monna ofe ea kileng a phela. Mohla Bafarisi ba boneng bohlale ba Hae, ba itse, "O kene sekolo sefe? Ebe O hlahile kae? Mantsoe ana u a fumana kae? Taba ee O e etsa joang? Re . . . ha a feta liseminareng tsa rōna. Ha A bue joaloka batho ba rōna. Ebe Mantsoe ana a tsoa kae?" 'Me ba khopisoa ke hobane E se leloko la lihlopha tsa bona. A sa Ikamahanye le bona. A emella thokoana, ka ho hlokomeleha, hoba E ne e le Molimo.

¹³⁸ Eaba O ema mono, le ho Itsebisa. A re, "Ekare ha le sa lumele ho 'Na, le lumele mesebetsi eo Ke e etsang. E a paka hobane Ntate o Nthomile." O itse, "Haele thuto ea Ka . . ." Ka mantsoe a mang, ka mokhoa ona, "Ekare ha thuto ea Ka e sa kholise litakatso tsa

lōna, eka re ha digarata tsa Ka... Etsoe, ha Ke na tsona. Empa, digarata tsa Ka, diploma tsa Ka, ha li tšikhutse diseminareng tsa lōna. Diploma tsa Ka ke mesebetsi eo Ke e etsang, e reng Ntate o Nthomile. Ke eona diploma tsa Ka." Ke tsona diploma tse khabane tseo ke li tsebang. Molimo, re abele diploma tse ngata tse joalo! "Mesebetsi eo Ke e etsang ke nètefatso ea hobane Ntate o Nthomile. Haeba ho sa lekana, le mpe le lumele eona sebakeng sa Ka."

¹³⁹ Joale le Mo behe leihlo. Oh, ke a Mo rata! Ke 'Mona a itsamaela mono, 'me O itse, "Le hlonyme ke'ng hakaale? Le susumetsoa ke'ng ho ikutloa tjee? Ke letsatsi le letle hakakang! Shebang kamoo ntho tsohle li bonahalang kateng!"

¹⁴⁰ O itse, "Yaa," ho re, "Ke a tseba, feelsa re ne re tsepile..." Ho re, "Ana ke Uena feelsa moeti tikolohong ena? Khele," ho re, "ana ha U tsebe taba eo, Jesus oa Nazaretha, Monna ea supiloeng ke Molimo, ka lipontšo tse khôlô le ka lintho tse joalo? Re Mo latetse lilemo tse tharô le halofo. 'Me—'me Pilato o Mo thakhisitse. 'Me ba Mo epetse, ba Mo suntse lebitleng. Khele," ba itse, "rōna re ne re tsepile hobane E tla ba khosi, moetapele oa senatla. 'Me joale O robetse mono, kahar'a lebitla, o nokiloe ka linoko, 'me o robetse lebitleng."

"Khele," A re, "ana ha le tsebe Mangolo?"

¹⁴¹ Oh, ke rata taba eo! O ile a etsa'ng? O ile a toba Mangolong ka kotloloho, ho kholisa lintlha tsa Hae. 'Me Moea ofe oa Molimo oa makhonthe o tla toba Lengolo ka kotloloho.

¹⁴² Ebe O ile a etsa'ng? Ho khutlela morao Testamenteng ea Khale, Libuka tsa Moshe, le ho qalisa ka Moshe le ka ba fapaneng, kamoo ba boletseng Jesu a tla fihla, kamoo A tlang ho utloisoa bohloko le seo A neng a tla se etsa. O itse, "Ana ha le tsebe taba ena, Lengolo, Lentsoe?" Ho re, "Ana ha le tsebe hobane Lentsoe la morao koana le phelisitsoe? Ana ha le tsebe hobane Kreste o tlamehile a be a tsohile bafung? 'Me teng..."

¹⁴³ "Che, ha re a ka ra tseba." Batho ba lôkileng, ba Mo ratang, ba mpa ba sa Mo tseba a tsohile bafung.

¹⁴⁴ Ho a tšoana le kajeno, ntho e le 'ngoe kajeno, ka nèpo, moena, khaitseli. Oh, Molimo o ke o phaphamise botho ba hao bo kahare! Batho ha ba utloisise hobane O tsohile bafung. Ha A shoa. O a phela.

¹⁴⁵ 'Me A tsoa a hlahella, ka ho ikhakanya. O ba hlahetse ka setšoano sa Monna.

¹⁴⁶ A ka u hlahela ka setšoano sa moahisane oa hao. A ka u hlahela ka setšoano sa e-e moreri, kapa 'mè oa hao. Kreste o hlaha ho uena ka batho. Hape, tšoara motho e mong le e mong hantle, e ba mosa, e ba moahisane ea lôkileng, e ba lerato. Kreste o ka ho motho. "Kreste ka ho lôna, tšepo ea Khanya." 'Me ha u ntse u tsamaea, 'me batho ba itlhahisa ho uena, motho ea lôkileng

a qala a qoqa le uena, ba mamele. Ha u tsebe, e ka ba Jesu ea buisanang le uena. Ua bona, O a hlaha. “Ke tla ba le lōna, le ka ho lōna. ’Me seo le se etsang ho bana, le se etsa ho ’Na.”

¹⁴⁷ Oh, ha u qala u e sheba ka mokhoa oo, marako a khale a moetlo a heleha. Ua bona? Ha e fetohet seboleho sa mantsoe, le boitlamo ba mantsoe a makana a kōpantsoeng. E fetoha bonneta bo phelang ba hobane Kreste o ka ho rōna joale. Moea o Halalelang o eang morao le pele, ka motho e mong le e mong, o chalametsa lipelōng, o hlahloba, ho ahlola maphelo a hlekemaneng ka mono. ’Me ha u ipolela eona, O e hlahisa pel’ a Molimo, Mali a e hloekisa. Amen.

¹⁴⁸ Hape, eare ba sa ntse ba itsamaela, le shebe joale, e ne e nanarela nako ea mantsiboea. Oh, ke mpa ke rata sena!

¹⁴⁹ Ea ka re ka be re fumane ho feta-fetang . . . Oh, banna! Ha ke a tseba ke ile lolololo hakaalo.

¹⁵⁰ Shebang. E ne e nanarela mantsiboea. Ke tla koala. Na le lemohile? Joale sekehetsang tsebe. E ne e nanarela mantsiboea. ’Me A etsa eka hojane a tla feta A ba siea, empa ba Mo qophella ho kena kahare.

¹⁵¹ Ke a ipotsa kajeno re ka qophella hakae? Ke a ipotsa hona joale u sebetsa hakae? “Oho Morena, Ea tsolaheng, a nke ke U qophelle ho kena pelōng ea ka. Tloo u kene le ’na. Ke batla ho lumela ho Uena. Ke phetse bophelo ba Mokreste ea sekheeqe, ka hona ke . . . ka ho lumela feela tumelong ea tsebo, le joalo feela, tumelo ea hlalefo. Empa ke batla ho U tseba ka Matla a tsoho ea Hao, hoba ena ke eona feela nako eo nka tlamehang ho hlophisa ka eona. Ke batla ho U tseba mohla ke robatsang hlooho ea ka ho se hlole ke tsoha hape. Ke batla ho U tseba Matleng a tsoho ea Hao. Ha ke batle ho e hakanya feela. Ke batla ho tseba Uena. Na U ka kena feela ua lula le ’na? Letsatsi le se le phirimile.”

¹⁵² Lemohang, eitseha ba kena kahare, ho koetsoe menyako, A ka buisana le bona lekhatheng leo. O entse phapang e kakang bathong bana! Ba emeng lebopong ha ba ka ba Mo tseba; ba kile ba lula le Eēna nako e telele. Empa eitseha, Kreste, hang kahare . . .

¹⁵³ E sang Kreste *kantle*, ho Le bala, ho thoe, “E, ke hantle.” Empa Kreste *kahare*, ho thoe, “Ke hantle.” Na le fumana phapang? Kreste kahare! ’Me O itse . . .

¹⁵⁴ Hang kahare, monyako o koetsoe. Eaba O Itsebisa bona, kamoo A entseng ntho e itseng. Onkile bohobe ’me A bo ngoatha.

¹⁵⁵ ’Me ba sheba, le ho re, “O mong feela Monna lefatšeng ea ka etsang joalo, ’me ke Eēna.” Feel a kamoo A entseng ntho! E sang kamoo A ralileng therō ea Hae; hoba ba fumane baithuti ba bangata ba thutamolimo ba etsa hoo. E sang kamoo A apereng; ka setaele sa Hollywood, ho ka ba joalo kajeno. E sang seo. Empa,

kamoo a entseng ho hong, ba tsebile e le mokhoa oa Hae ho e etsa. 'Me mahlo a bona a tutuboloha. Ba Mo tsebile ke hona.

¹⁵⁶ Matsatsi a 'maloa ba ne ba sa Mo tsebe . . . kapa barutuo ba sa 'Monang ka mokhoa oo. Ba ne ba sa koaloa kahare le Eèna. Ha ba ka ba Mo tseba ha ba 'Mona. Empa bao hang ha ba koaletsoe kahare, ba tsebile hoba e ne e le Morena oa bona.

¹⁵⁷ 'Me ke batla le lemohe taba. Ka kelohloko joale pele ho koaloa, kelohloko. Hoseng haholo, eareha Maria Magdalena le Maretha ba fihlile lebitleng, pele. Mamelang. Pele, hoseng haholo hakaalo, Kreste o Ipontšitse pontšeng pele ho ba tsohileng ka meso. 'Me ha A ka a hlola a e bontša, khabareng ea letsatsi, hofihlela nakong ea mantsiboea. Eaba O Ipontša hape, hobane E ne e le Alfa le Omega.

Leseli le tla chaba nakong ea mantsiboea,
Tsela e eang Khanyeng le tla e fumana ruri.

¹⁵⁸ Mohla, Kreste a ne a Itsebisa letsatsing le qalang 'moho le baapostola, tsohong, ka lipontšo le meeka eo Petrose, Jemesse, Johanne, le bao ba e entseng. O ile a Itsebisa batho (joang?) ka Matla a tsoho ea Hae, (mamelang) ka lipontšo le meeka le mehlolo eo A e entseng. Na ho joalo? [Phutheho e re, "Amen."—Mohl.] O ile a Itsebahatsa.

¹⁵⁹ Joale re haotse letsatsing le leholo. Letsatsi leo le fetile; ka baruti ba baholo, Santa Augustina; ho theohela ho Martin Luther, John Wesley, Calvin, Knox, bao bohole; ho theoha ho haola ka mongoaha oa bo—oa bo Methodise, mongoaha oa Baptise, mongoaha oa Nazarene, mongoaha oa Pilgrim Holiness, mongoaha oa Pentekosta. Mengoaha ena eohle e fetile. Letsatsi le a likela.

¹⁶⁰ O itse, "Leseli le tla chaba nakong ea mantsiboea. Letsatsi le tla chaba," moporofeta o boletse, "le ke keng la bitsoa motšeare, kapa le ke ke la bitsoa bosiu. Le tla tšoana le mouoane oa mosi."

¹⁶¹ 'Me, kajeno, lefatše le haotse joalo, ho qala ka hoseng ha tsoho ea Morena Jesu, le mongoaha oa kereke eo ea pele motše mono, ho—ho Mongoaha oa Kereke ea Efese. Hona mongoaheng oo oa pele mono, Molimo o Itsebisitse ka lipontšo le meeka le mehlolo. Ea ntoo nyamela ho bontate ba mesong. Ho haola ka kereke ea Katolike, ho isa ho hlabollo, ho haola le tlase mona. Ba chabetsoe ke Leseli le lekanang ho lumela hobane E ne e le Mora oa Molimo. Ba chabetsoe ke Leseli le lekaneng ho Mo amohela joaloka 'Moloki oa bona, 'me le haotse le liketse. Empa maru, maru a lefifi, baruti ba ileng ba tlama batho, ho ntse ho thoe, "Matsatsi a mehlolo a fetile. Lintho tsena tsohle li fetile, lilemong tse ngata tse fetileng." Esale e le letsatsi le fifetseng. Athe le ne le sa fifala ka botlalo; ba bone mokhoa oa ho tsamaea, feela e se hantle hakaalo.

¹⁶² Empa, moena, Molimo o tsepisitse hoba mohla letsatsi le likelang lefatšeng la bophirimela, Leseli le tla boela le chaba, ruri joalokaha lefatše le le teng.

¹⁶³ Bibele ena ke Buka ea bochabatsatsi. E ngotsoe ka meetlo ea bochabatsatsi. E ngotsoe ka bochabatsatsi ka mekh-... puo, ka bochabela. Letsatsi le chaba bochabela, le rapama bophirimela. 'Me ho batho ba bochabatsatsi, letsatsi la ketelo ea bona ba le fumane tsohong ea pele. 'Me eaba letsatsi le haola le mongooha. 'Me tsoelopele e simolotse bochabela, e hahamaletse bophirimela. 'Me pejana feela letsatsi le likela mona molaponong ona oa bophimela, Leseli le tla chaba hape. Eèna Morena Jesu ea tsohileng o tla khutla ka Matla a Hae a tšoanang. [Moena Branham o kokotile hahlano sefaleng—Mohl.] Joalokaha A Itsebisitse Maria Magdalena le bao, tšimolohong, O ntse a Itsebisa ka Matla a tsoho ea Hae, qetellong ea mongooha. Ho kae? Nakong ea qetello.

¹⁶⁴ O itse, "Kena kahare. Ho se ho phirima. Letsatsi le rapame haholo. Shoalane e a tšoara. Na U ke ke ua kena kahare?" 'Me eaba ba Mo kenya kahare.

¹⁶⁵ 'Me hang kahare, O ba butse mahlo. O hlakisitse ntho. Ba itse, "E ka etsoa ke Eèna a inotši."

Le ba shebe mamemo a bona. Ba qetile letsatsi lohle ho tšeleta ka koano.

¹⁶⁶ Baromua ba hlolehile hona mono. Re hlatsoelitse mapolankeng a bohlatoetso, ho tšehetsha baromua ba tšeletlang koo, ho aba maselinyana. Re rometse koo ho ruta thutamolimo. 'Me ho na le Muddha, Buddha, Mohammed, bo Sikhs, bo... Malumeli ohle a fapaneng a lefatše a kene mono ka thutamolimo ea bona e ka hlakisang sona se ka hlahisoang ke Bokreste, ka mokhoa oa saekholoji. Ke hantle.

¹⁶⁷ 'Me lefatše, karolo ea 'ngoe-tharōng feela ea bona, hoseng hona ha Paseka, bo a tseba kapa ha bo eso utloele ka Jesu. Karolo ea peli-tharōng ea lefatse e kene bokomonising le lefifing. Karolo ea peli-tharōng ea lefatše ha eso utloe letho ka Jesu kapa tsoho.

¹⁶⁸ [Moena Branham o opa liatla tsa hae habeli—Mohl.] Empa, moena, enereha boiphihlelo ba Emmause bo finyella Kleopa, mohla mahlo a bona a na a buleha, 'me ba itemohile hoba e ne e le bomang.' Me, metsotsong e 'maloa ea nako, ba haola ba theoha likhohlo tsa nako, ho khutlela Jerusalema, ka maoto a bobewe, ka lipelō tse bobewe, ba ntse ba bolella batho. "Re a tseba hobane Morena oa rōna o tsohile bafung, hoba re 'Mone 'me re a tseba hobane Ke oa 'nete."

¹⁶⁹ Seo e leng sona, ke matsatsi a qetello. Molimo o tla hlahisa banna ka melaetsa, ka matla, ka toelo, ka matla a Evangel, ho kholisa hobane Jesu Kreste ke oa maobane, kajeno, le kamehla. [Sekheo lebanteng—Mohl.]

¹⁷⁰ Ke a tseba e utloahala e hlasimolla. Ha se mohlolo! Re phela nakong e hlasimollang. E, ke eona. Re phela matsatsing qetello. Mohla, Molimo, ka moporofeta e mong le e mong ea halalelang, ho haola le Testamente ea Khale, ho haola le Testamente e Ncha, ho porofetiloe, ha thoe mehleng ea bofelo, lintho tse tšoanang le tse hlahileng tšimolohong li tla hlaha nakong ea qetello, 'me lefifi le tla phasa-phasa, 'me Leseli la Evangelii le tla khantsa likhohlo tsa lefatše, hang hape, pele Morena Jesu a Khutla.

¹⁷¹ O tsohile bafung. Eèna maobane, kajeno, 'me ho tla ba joalo ka mehla. Jesu Kreste o tsohile bafung 'me o phela har'a rôna. Ke e thabetse haholo. Pelô ea ka e nyakalletse ebile mantsoe a hloleha. Koana, ha re a tlameha le ho hakanya ka eona. Ke 'Nete.

¹⁷² Molimo a u hlohonolofatse, motsoalle. Haeba u sa tsebe taba eo . . . Se tsotelle ea tlisang Molaetsa ona, tsotella seo Molaetsa o se bolelang. Ua bona? O lebisitsoe ho uena ea leng kantle ho Kreste. Ha u sa Mo tsebe ka Matla a tsoho ea Hae, ha u mpa feela u . . . Se amohele likakanyo tsa kelello ka ona. Se bue ka thutamolimo ea hao kapa tumelo ea hao ea bohlalefi; efèla ha ntho e-so u pakele pelô ea hao, le pelô ea hao e phophothiloe 'me e fetotsoe lebitla le lephaka (allelua) nqa litho tse shoeleng tsa lefatše, 'me Kreste a tsohile bocha pelõng ea hao.

¹⁷³ Oho Molimo, hoseng hona, phikolosa lejoe la pelaelo. Le tlose.

¹⁷⁴ 'Me A tsohe pelõng ea hao kajeno, ho u etsa 'mopuoa e mocha. 'Me ke lumela A tla hlaha temeng, metsotsong 'maloa, ho etsa tseo A li entseng mehleng ea Hae mona lefatšeng.

Na re ka rapela, re sa inamisa lihlooho tsa rôna.

¹⁷⁵ Ntata rôna oa Leholidô, nako e a rapama. Hora e phirimile. Empa, O hlahile mohla hora e sang e fetile. Re U leboha ka Mantsoe a Hao a Khetheleng. Re U leboha ka Evangelii ena eo re e rerang le ho e lumela. Re U leboha ka Evangelii ena eo U e nètefalseng e le 'Nete.

¹⁷⁶ 'Me joale, Morena Jesu, bua le meeä e timetseng. Batho ba bangata mona, Morena, ba U ratang, empa ruri ha ba eso U amohele. U tsamaea le bona letsatsi ka leng. Ke Uena ea ba babaletseng ho bolaoa nakong ea kotsi. E ne e le Uena ea thibetseng sefefo ho pheula ntlu tsatsing leo, bosiung boo. E ne e le Uena ea ba etetseng nakong ea tlokotsi. E ne e le Uena ea ba fileng mosebetsi athe ba ne ba u hloka. E ne e le Uena ea tšelisitseng lipelô tsa bona mohla baratuoa ba bona ba eang lebitleng. U tsamaile le bona, empa, koana, ha ba ka ba U tseba.

¹⁷⁷ Molimo, abela motho e mong le e mong hoo mona kajeno, ea leng kantle ho Kreste, a tle a etsitse Kleopa le motoalle oa hae, "Kena 'me u lule le rôna. Letsatsi la bophelo ba ka le phirimile. Kena kahare le ho sebetsa ka boithatelo ba Hao."

¹⁷⁸ 'Me re sa inamisitse lihlooho tsa rōna, hohle kahare kapa kantle, motho o teng mona ea ka reng, ka letsoho le phahamiselitsoeng ho Molimo, e seng ho moena oa hao, empa ho Molimo, "Oh, ntho e ntse e etsahala pelōng ea ka, hoseng hona. Ke—ke tseba ntho e ntse e etsahala pelōng ea ka. Ha ke—ha ke sa tla tšoana le pele le ka mohla. Ke a lumela ntho e etsahetse ho tloha ke kene moahong ona hoseng hona. Hona joale ke amohela Kreste pelōng ea ka, joaloka 'Moloki oa ka. Ke batla ho phahamisetsa Molimo matsoho a ka, le ho re, 'Molimo, ke 'na enoa. Sohle seo nka se etsang ke ho phahamisa letsoho la ka, ho U bolella hobane ke a U lumela.'"

¹⁷⁹ Na u ka phahamisa letsoho la hao? Molimo a u hlohonolofatse, monghali. Ke hantle. Motho mang o sele, na u ka phahamisa letsoho la hao, ho re, "Joale ke a Mo amohela"? Molimo a u hlohonolofatse, mofumahali. Ke bottle. Motho e mong o sele?

¹⁸⁰ E re u sa phahamisa letsoho la hao, Molimo o tšepepitse ho u neha Bophelo ba kamehla. "Ea utloang Mantsoe a Ka 'me a lumela ho Ea Nthomileng, o na le Bophelo ba kamehla. A ke ke a tla kahlolong, empa o tlohile lefung ho kena Bophelong."

¹⁸¹ Na u ka phahamisa letsoho la hao joale, ho re, "Morena, ke a lumela"? Ha ho motho ea shebileng; haese Morena Jesu le 'na, ka kópo hleng. Phahamisa letsoho la hao feela, le ho re, "Hona joale ke Mo amohela e le 'Moloki oa ka." Na u ka phahamisa... Molimo a u hlohonolofatse, uena, uena, uena. Oh, ke bottle, sehlopha sa matsoho. Molimo a le hlohonolofatse. Ke bottle.

¹⁸² Hoo ho etsang ho uena? Ho u neha Bophelo. U phahamiselitse letsoho la hao ho Monghali, ho re, "Ke a e lumela."

¹⁸³ Jesu o itse, "Ea lumelang a ke ke a tsuoia le ka mohla; o tlohile lefung ho kena Bophelong." Hona joale u na le Bophelo ba kamehla. Na ha u a e thabela?

¹⁸⁴ Na e mong o teng pele re rapela, e mong hape ea ka reng, "Moena Branham, hoseng hona ha Paseka, 'na joale, le pele ke bona lipontšo tse pepenehileng tsa ho hlaha ha Kreste, haeba A ka etsa joalo, hona joale ke Mo amohela le pele ke bona letho. Nke ke ka etsisa Thomase, ho emela ho 'Mona le ho Mo phopholetsa, le lintho tse joalo, le ho bolela. Ke tla Mo amohela hona joale."

¹⁸⁵ O itse, "Moputso oa bona o fetisa hakakang, bao ba sa kang ba bona, kapa ba sa ka ba phopholetsa, kapa le letho, feela ba lumetse!"

¹⁸⁶ Na e mong o teng ea ka phahamisang letsoho la hae, kahare kapa kantle? Molimo a u hlohonolofatse, le uena, le uena. Uena, khaitseli, Molimo a u hlohonolofatse. Uena, khaitseli, Molimo a u hlohonolofatse.

Ke hantle, ka lihlooho tsa rōna tse inamisitsoeng.

¹⁸⁷ Ntata rōna oa Leholimō, ke Uena ea itseng, “Bolela Lentsoe. Nako e lumela, leha nako e sa lumele. Laea, khalema ka mamello eohle le ka thuto.” Le sa bolele Evangeli e sele haese e laetsoeng rōna. Kreste o shoele, a ba a tsoha hape ka letsatsi laborarō, ho ea ka Mangolo; hona joale o lutse libakeng tsa Maholimō, ka pel'a Sefahleho sa Boholo ba Molimo, ho re buella holim'a maipolelo a rōna. ’Me Lena ke Lentsoe la Hae, “Ea utloang Mantsoe a Ka, ’me a lumela ho Ea Nthomileng, o na le Bophelo ba kamehla.”

¹⁸⁸ ’Me, kajeno, ka leptola-potla lena, molaetsa o maqalika, ba bangata ba phahamisitse matsoho a bona. U a bone. U be u ka sitoa joang ho a bona, athe U tseba le serobele se oelang seterateng! U a e tseba. Molimo o moholo o matlaohle, U bona ntho e ’ngoe le e ’ngoe, U tseba ntho e ’ngoe le e ’ngoe, le ho khona ho etsa ntho e ’ngoe le e ’ngoe. Joale, ho latēla Lentsoe la Hao, bana U ba pholositse sebeng, ’me re U leboha ka hona, Ntate. Mapheho a bona a be malelele, a ntse a thabile. Ba U sebeletse matsatsi ohle a ho phela ha bona.

¹⁸⁹ Ho tla, bosius bona, haeba ba eso qoelisoe le ka mohla, ba tle ’me ba kolobetsoe, ka ho bitsa Lebitso la Morena, le ho tlatsoa ka Moea o Halalelang hona bosius bona. Aba sena, Molimo o ratehang. Re e kōpa ka Lebitso la Kreste.

¹⁹⁰ Joale, Ntate, re kenela tšebeletso. Ke tseba Lentsoe la Hao le ke ke la hholeha. Le boletse, ha thoe, motseng oa habo rōna, “Mohlanka, motseng oa habo har'a batho.” Empa, habeli, Morena, U e lumeletse ho etsahala, lilemong tsena tse leshome. Na U ke ke ua phethisa hape kajeno? Ke Paseka, ’me likelello tsa rōna li nchafalitsoe ke mehopolo ea Paseka ka bottlalo, ka baka la tsoho. E nchafetse, ka bocha, holim'a Evangeli, hoseng hona, ka baka la ho E utloa e reroa mona habeli. ’Me re batla ho U bona, Morena. ’Me ke boleletse batho ke itse U teng mona. U boletse U le teng. U ne u le motlalahohle, ka mehla eohle. Na U ke ke ua tla joale ’me ua tšoara lisebelisoa, leha li fokola hakana, Morena, tsa mohlanka oa Hao ea fokolang? Sebetsa ka rōna, kajeno, hore banna le basali ba lutseng mona, le bao ba sa tsoa ho U amohela, ba tle ba bone seo ba se entseng; hore ha se Ntho e itseng e fosahetseng; Ke Morena Jesu. Oho Molimo, aba sena. Hoba re e kōpa ka Lebitso la Jesu. Amen.

¹⁹¹ Oh, banna! Na le ikutloa le thabile? [Phutheho e re, “Amen.”—Mohl.] Ke ikutloa joalo feela, leha koana mokhathala o le teng le ho hlotleha. Feel a kamoo Lentsoe le khanyang kateng!

Joale, metsoalle, therō eohle eo nka e hlakisang . . .

¹⁹² Ke—ke batla ke . . . Kajeno, ke rerile habeli. Ke tlameha ho potlaka, hosane, ke a khanna. Ke tlameha ho tloha hosseng haholo ho leba Tacoma, Washington, ho tsoella joalo ho kena Canada. ’Me ba ne batlile ha nka fofa, ho kenela litšebeletso hosane, empa nka tšoha ke qhoba.

¹⁹³ Lemohang ke hona, joale, therō eohle eo nka e hlakisang; Kreste a ka etsa ntho e le 'ngoe, 'me boleng ba eona ba fetisa tsohle tseo nka li buang lilemong tse sekete, ho lōna, holane le ka phelela hoe bona.

¹⁹⁴ Joale ke batla ho le kōpa taba, 'me ke batla le apere tšabo ea hlompho. Joale, bongata ba lōna le eme. Ke a tseba le khathetse, empa mpheng metsots e 'maloa feela. Joale, ke nka sena . . .

¹⁹⁵ Utloisisang, ha ke re e tla etsahala. 'Na, ka tumelo, ke kōpile Molimo ho e phethisa. 'Me le joale ke sa Mo kōpa hore A hlahise kōpano mona, joalokaha A etsa masimong, batho ba Jeffersonville mona ba tle ba tsebe hoba Jesu o tsohile bafung. Joale, re se re e etselitsoe habeli.

¹⁹⁶ Ha ke tsebe ke tla khutlela neng kamorao ho kajeno, tabernakeleng, hape. Ke rata nthoana ena, kereke ena ea khale. Ha e kaalo, ho baeti ba leng ka ho eona. Likhatiso tsa menoana ea ka li teng mona hantle, le joale, sefaleng sena, esale ke rera lilemo tse leshome le metso e 'meli mona. Ke qetile lilemo tse mashome a mabeli a metso e merarō Evangeling joale.

¹⁹⁷ Oh, ke tsoa hole haholo hore nka hetla morao! Oh, ke se ke bone tse ngata haholo! Ha ke tsotelle batho ba bua'ng. Ke—ke a tseba. Ke a tseba. E, monghali. Ho sa tsotelle, leha lefatše lohle le ka bua le fapana. "Ke—ke tseba Eo ke lumetseng ho eèna, 'me ke kholisitsoe hoba A ka phethisa seo ke se laelelitseng ho Eèna ka le letsatsi lena."

¹⁹⁸ Metsoalle e mengata e lutse ka mona, le ba joalo, ba bang ba bona ba kantle. Ke na le metsoalle e 'maloa ea lingaka e leng teng kajeno, hape.

¹⁹⁹ Ha ke mocheseheli ea hlahafetseng. Ke mpa feela . . . efèla haeba e qosa . . . Haeba u e bitsa bocheseli bo hlahafetseng, ho lumela tsoho ea Jesu, e tla ba ke mocheseheli ea hlah. Ke hantle. Ke a e lumela, ka pelō eohle ea ka.

²⁰⁰ Joale, phehhello ea ha ke ena, hore Jesu o tsohile bafung. Ke a lumela, haeba A tsohile bafung . . . O itse, "Linthro tseo Ke li etsang le lōna le tla li etsa. Le tla etsa le tse ngata ho tsena, hoba Ke ea ho Ntate oa Ka."

²⁰¹ 'Me ke a lumela, mona hoseng hona ha tsoho, ha Molimo o ka hlah hape feela temeng, ka sebopoho seo le tsebang e le Eèna! Na le ka rata ho 'Mona? [Phutheho e re, "Amen."—Mohl.] Na le ka rata ho tsoana le Kleopa le bao, ba tlileng? Ka hona, haeba Molimo a ka etsa hoo, ke le boleletse 'Nete ea Evangel, ke hona.

²⁰² Joale, ebe O ne a ka etsa'ng holane A ka hlah mona hoseng hona? Na A ka re . . . Na u ka tla, ua re, "Na U ka mpholosa, Morena?"

²⁰³ O ne A tla reng? "Ke e phethile mohla Ke u shoelang Kalvari." Hoba, eo ke Evangel ea Hae.

Ho re, "Na u ka mpholisa, Morena?"

O ne a tla re, “Ke e phethile mohla Ke u shoelang Kalvari.”

²⁰⁴ Joale, ntho e le ’ngoe A ka e etsang, eona ke ho hlakisa lipontšo le meeka har'a lōna, e tla u thusa ho lumela le ho e amohela. Na ho joalo? [Phutheho e re, “Amen.”—Mohl.]

²⁰⁵ Joale, ke a kholoa bashanyana ba ntšitse litlankana tse ’maloa tsa thapelo hoseng hona. Billy o mpoleletse, metsotso e ’maloa e fetileng, ho re, “Li felile, nakoaneng feela.” Empa ba ne ba sa tšoara tse lekaneng ho potoloha ka tsona. Eaba o khutla a batla tse ling, ’me o fositse nako ea hae ea ho nyoloha. Eitseha a qala a tsoa, ho lata litlankana tse ling, eaba Moena Neville o qala a bina *Lumela Feela*.

²⁰⁶ ’Me ke bana ba tla, ba mathela holimō mono. ’Me Moena Wood le bao ba itse, “Khele, lifela li se li binnoe, le joalo,” ka tlameha ho potlaka ke tsoa. ’Me ha ho a ntšuoa litlankana tse ngata haholo, nka re tse mashome a mahlano kapa tse lekholo, ntho e kang eo, li ntšitsoe, mohlomong. Re ka tšoarana le bongata boo re ka bo khonang.

²⁰⁷ Joale ke batla le ntše litlankana tsa lōna tsa thapelo. Ke setlankana se khutlonne. Se manehiloe setšoantšo sa ka, ’me se ngotsoe palo ka morao. ’Me re batla ho emisa batho ka mola, ka mona, le ho ba rapella, ka lihlopha feela ba sa tla. Le ho ba rapella kamoo re khonang.

²⁰⁸ Joale, e re le sa ntša litlankana tsa lōna, le itlhophia, joale ke batla le lemohe. Mona ba bangata ba sa tšoarang litlankana tsa thapelo. Ka mona batho ba sa tšoarang litlankana tsa thapelo ba ka ba lekholo. Litlankana tsa thapelo ha li bolele letho, le letho. Ntho feela e molemo ho uena ke ho ba le tumelo ho Molimo.

²⁰⁹ Jesu o rapeletse batho, ke hantle, ’me khafetsa A ba bolelle bothata. Empa O itse . . . ha ho eso thoe, “Ke u folisitse.” O itse, “Tumelo ea hao e u pholositse.” Batho ba fetang . . .

²¹⁰ Ho be le sefofu Bartemea, tseleng, a lutse mono, a kōpa. Jesu a ntse a tsamaea, mohlomong nqa khoro eo, tsela eo ho tloha—ho tloha moo Bartimea a lutseng, e batla e le ho tloha mona ho ea k’honeng eane e latēlang. ’Me Jesu ke enoa a theoha. ’Me mokōpi oa sefofu a lutse mono pel’ a lerako, a ntse a hooeletsa.

²¹¹ Batho ba hlabile litlatse, “Matjoing koana ka lehlanya le hlaha leo! Tloo, mobua-bui tooe, hobaneng u sa re bontše mohlolo!”

²¹² Ba bang ba ntse ba re, “Hosanna! Hosanna! Ke Khosi, ea—ea Davida, Mora oa Davida.”

’Me bao bohle, ba fapané, ba tsoakane.

²¹³ ’Me Jesu, a tobile Kalvari, ka sefahleho sa Hae . . . O tobile nqa eo. Ke ’Mona a tsamaea. ’Me bophelo ba Hae bo bocha, a le lilemo tse mashome a mararō le ho hong feela, A shebeha a tsofetse. Ba Mo lekanyelitse ho “mashome a mahlano,” empa A le mashome a mararō a metso e merarō feela. ’Me teng sefahleho

sa Hae A se tsepamisitse, libe tsa lefatše li beiloe holim'a Hae, le maloetse a mang le a mang a kileng a hlahla, a leketlile ho Eèna. 'Me A ea Kalvari, ho thakhisoa.

²¹⁴ Eaba mokopi oa khale oa sefofu mono, limou tsa matsohi li harasoane le ntho eohle, a re, "Uena Mora oa Davida, nkhauhele! Nkhauhele!"

Batho ba itse, "Lula fatše!"

²¹⁵ Empa Jesu a ema; a retoloha, ho sheba morao motšeо koo, le ho re, "Tumelo ea hao e u phelisitse." "Tumelo ea hao!"

²¹⁶ Mosajana oa batho, a sa khahle hakaalo. A ipatisa a fohla letšoelie a feta tlas'a maoto a bona, a tloha a ama seaparo sa Hae, a matha a tsoa a kena har'a letšoelie nqa e 'ngoe a lula fatše.

²¹⁷ Jesu a ema, ho re, "Ke amiloe ke mang?" A qamaka. A re, "Tumelo ea hao e u phelisitse."

"Hore'ng le rialo pelō ng tsa lōna?" Ho re . . .

Mosali selibeng.

A e hopola e ka re me- . . . ba boletse mohlang oo . . .

²¹⁸ Mohla Filipi a tlileng ho Eèna, mohla A . . . tšebetsong ea Hae e qalang. Jesu o ne a eme moleng oa thapelo, a rapella bakuli.

²¹⁹ Jesu ke enoa, maobane. Enoa e tla be e le Jesu, kajeno, hoba O a tšoana. Leseli leo le neng le le teng hoseng, Le teng mona mantsiboea, ke Jesu eo; maobane le kajeno, ua bona, ka ho tšoana.

²²⁰ 'Me eare Jesu a sa eme mono, ha pholosoa monna ea itseng. A matha a lata motsoalle oa hae, ea bitsoang Nathanaele. 'Me a tloha a lata Nathanaele. 'Me Filipi a tloha a lata Nathanaele. 'Me a fihlela Nathanaele tlas'a sefate, a ntse a rapela.

²²¹ 'Me mohla a khutlileng le eèna . . . Jesu o ne a nyolohile. Ho ema kantle har'a letšoelie, a le mono. Jesu a le mono, a ntse a rapella batho.

²²² A sheba kantle, ho re, "Bonang Moiseraele oa sebele eo ho seng mano ho eèna."

²²³ "Khele," a re, "U ntsebella kae, Rabbi?" Kapa, "moruti, mohlomphehi," lebitso leo la tlotliso.

²²⁴ A re, "Khele, le pele Filipi a u bitsa, Ke u bone tlas'a sefate."

²²⁵ "Khele," Bafarisi ba itse, "u a bona, Ke senoheramahlohonolo. Ke liabolosi. Ke Belsebuke."

²²⁶ Empa Filipi o itseng? Nathanaele o itseng? A matha a itihela fatše, ho re, "U Mora Molimo. U Khosi ea Israele."

²²⁷ O itse, "Kahobane Ke u boleletse sena, u a lumela na? U tla bona tse khôlô ho feta ena, hobane u molumeli. Ua bona? U tla bona tse khôlô ho feta ena." Ua bona?

²²⁸ Joale, ke Jesu eo kajeno. Joale a re emiseng batho ba kulang ka mola, le ho simolla ho ba rapella.

²²⁹ Joale lōna ba kantle mono letšoeleng, le sa tšoara litlankana tsa thapelo, ke batla le lumele feela ka pelō eohle ea lōna. Molimo o tla le phelisa, le ntse le lutse hantle mono litulong tsa lōna. A ka sokolla bahlanka ba Hae hantle le ho bua seo A se buileng mohlang oo. Ana ha le e lumele? [Phutheho e re, “Amen.”—Mohl.] Ke hantle.

²³⁰ Joale ke tla le bolella seo ke batlang le se etse. Ke mang ea tšoereng setlankana sa thapelo sa nomoro ea ’ngoe? Ha re boneng. Phahamisa letsoho la hao. Setlankana sa thapelo sa nomoro ea ’ngoe, nomoro ea ’ngoe. Nomoro ea peli . . .

²³¹ Folang mola ka *mona*. Joale, ke tlameha feela ho ba qotsa a le mong ka nako, hoba ha re . . . re—re na sebaka sefe sa ho ema.

²³² Nomoro ea peli, ke mang ea tšoereng setlankana sa thapelo sa nomoro ea peli, na u ka phahamisa letsoho la hao? Setlankana sa thapelo . . . Mofumahali enoa mona. Nomoro ea tharō . . . Tloo ka mona, lehlakoreng *lena*, mofumahali. Nomoro ea ’ne, ke mang ea tšoereng setlankana sa thapelo . . .

²³³ Ke mang ea tšoereng setlankana sa thapelo sa nomoro ea tharō? Ha ke kholoe ke fumane eo. Setlankana sa thapelo sa nomoro ea tharō.

Setlankana sa thapelo sa nomoro ea ’ne.

²³⁴ Setlankana sa thapelo sa hlano. Ke mang ea tšoereng setlankana sa thapelo sa hlano? Mofumahali morao mane. Ke hantle.

Setlankana sa thapelo sa nomoro ea tšeleta.

Nomoro ea supa.

²³⁵ Na u ka tla ka lehlakoreng *lena*, hantle mona. Joale fetisang, ’ne, hlano, tšeleta, supa. Ha ke tsebe joang . . . Le ba tlise ba parola le ka *mona*, ho potoloha . . . holim’ a kalana, mohlomong, ha e le ntho e ka etsoang. Ke hantle. Ka potlako eo le ka e khonang feela. Seletsi sa piano se tla letska *Lumela Feela*, ka kōpo hle.

Ha ho mokhoa ho ’na ho tseba mang, kae, joang, neng, mang.

²³⁶ Joale ha re boneng na re ka emisa ba ba kae. Na le ka hantle joale? Seo ke setlankana sa thapelo sa nomoro ea ’ngoe, peli, tharō, ’ne, hlano, tšeleta, supa.

Ke mang ea tšoereng robeli, setlankana sa thapelo sa robeli? Hantle ka mona, mora.

²³⁷ Setlankana sa thapelo sa robong. Phahamisa letsoho la hao, mang ea tšoereng setlankana sa thapelo sa robong.

²³⁸ Ekaba tsebetutu, ’me ha a utloe. Sheba setlankana sa moahisane oa hao.

Setlankana sa thapelo sa robong, na u ka phahamisa letsoho la hao, robong?

²³⁹ Na motho o teng ea sa khoneng ho ema? Haeba u holofetse, u sa khone ho ema, ba tla u jara.

Setlankana sa thapelo sa robong, mohlomong o tsoile.

Setlankana sa thapelo sa leshome. Ho lōkile, mofumahali, ka mona.

Setlankana sa thapelo sa leshome-'ngoe. Ka lehlakoreng *lane*, monghali.

Setlankana sa thapelo sa leshome-peli. Ka *mona*, monghali.

Setlankana sa thapelo sa leshome-tharō. Ho lōkile, mofumahali, ka *mona*.

Setlankana sa thapelo sa leshome-'ne. Mono, u tšoere leshome-'ne?

Leshome-hlano. Ka *mona*, mofumahali, ka kōpo.

²⁴⁰ Ke botle, tloong feela. Ke a kholoa u ka leba, nka re ua pota hantle feela, ha u khona, tlase mane, lipakeng tsa litulo tseo, uena, ka kōpo. Kena hantle mono, Bill Bonnyane, u ka ema hantle mona mahareng a mola oa litulo tsane. Ke hantle. Ke hantle. Ba emiseng mola hantle holimō mane. Hantle tlase *mona*, mofumahali. Mofumahali, tlase mane hantle, khaitseli moratuoa. 'Me o fete har'a mola oane hantle.

²⁴¹ A re boneng re ntse re emisa ba bakae moleng. A re butleng motsotso feela, ka bana joale, motsotso feela. [Moena Branham o a thola-thola—Mohl.]

²⁴² Joale le apare ruri hlompho e nang le tšabo. Tsoang le sa lutse, le kokobele, ka khutso. Joale, ena ke ntlu ea Molimo. Ke hantle. Nka thapelo eo . . .

²⁴³ [Motho o buisana le Moena Branham—Ed.] Ho thoeng? Ho thoeng? Ke hantle, na re ka kenya ba 'maloa hape? Ke hantle. Setlankana sa thapelo . . .

²⁴⁴ Re qetetse kae? E. Setlankana sa thapelo ea hao ke mang, monghali? [Moena o re, "Leshome-'ne."—Mohl.] Leshome-'ne. Ke hantle.

²⁴⁵ Setlankana sa thapelo sa leshome-hlano, leshome-tšeleta, leshome-supā, leshome-robeli, leshome-robong, mashome a mabeli.

²⁴⁶ Ka *mona*, mofumahali. Nyolohela ka *mane*, ka *mane*, e-ea ka *mane*. Ke hantle. Boo ke bongata boo re ka bo lumellang feela ho ema. Leba ka *mane*, mofumahali. Ba tla u hlokomela, ka kōpo. Ke hantle.

²⁴⁷ [Motho o buisana le Moena Branham—Mohl.] Ho thoeng? Be, hoo ho itōketse. Re ka lumella ho emisa ba ba kaalo hantle hona joale, joalo feela.

²⁴⁸ Eng? Na ngoanana o tsoa mokola, khaitseli? A re tholeng, metsotsso e 'maloa. Na le ka inamisa lihlooho tsa lōna nakoana feela. [Moena Branham o tloha sefaleng o ea ho ngoana—Mohl.]

²⁴⁹ Ntate, ka Lebitso la Ngoana oa Hao ea ratehang, Morena Jesu, re U rapela ho ama ngoana enoa, Molimo. Emisa mokola. O keo emise hona joale. Lebitso la Hao le tlotsioe. Hoba, re khalema mokola ona, ka Lebitso la Jesu Kreste, Mora oa Molimo.

²⁵⁰ [Moena Branham o buela tlase le motho e mong a ntano khutlela sefaleng—Mohl.]

Ke hantle, a re luleng re inamisitse lihlooho tsa rōna joale, motsotsso.

²⁵¹ Morena Jesu, ho eme har'a letšoele, kajeno, bongata bo lebeletseng. Re U leboha ka matla a Hao a folisang. Joale re a kōpa, ka pelō eohle ea rōna, Morena, hore U abe tsohle tseo re li kōpileng. Ho etsetsoa tlotsio ea Molimo. Re rapela ka Lebitso la Jesu. Amen.

²⁵² Ke hantle, joale, ha re apareng tšabo ka bokhoni ba rōna feela. Hopolang, ha ke tsebe. Hona hohle ke ho tsoa le ho kena ho Molimo.

²⁵³ Joale, ba teng—teng batho bao ke ba tsebang moleng oa thapelo. Moena Wood ea emeng mono, ke a mo tseba. Ke tseba oa bobeli, motho oa borarō ka morao ho eane. Ke a ba tseba. Ke tseba mofumahali enoa ea lutseng mona, mofumahali oa pele. Ha ke tsebe bothata ba hae, empa ke tseba a le teng mono. Ke kholoa e le bokaalo boo ke bo tsebang moleng oa thapelo.

²⁵⁴ Ba bangata kantle mane bao—bao ke sa ba tsebeng. 'Me le lōna le lipaki tsa lintho tsena, hore ha ke le tsebe. Empa Jesu Kreste o a le tseba, ha A etse joalo? [Phutheho e re, "Amen."—Mohl.]

²⁵⁵ Joale ba sa tšoarang litlankana tsa thapelo kantle mono ba ba kae, 'me koana le batla ho folisoa, leha ho le joalo? Phahamisang matsoho a lōna, holimō koana, holimō koana. Ke bottle. Molimo a le hlohonolofatse bohle, ke hantle, ha le na litlankana tsa thapelo. Joale ke le kōpa ho etsa sena. Ha Moea o Halalelang o ka fihla oa tlotsa, le talime nqa ena le lumele ka pelō eohle ea lōna. Le talime feela, ho re, "Morena, ke hlile ke lumela ka pelō ea ka eohle." Ha u ka etsa hoo, Molimo o tla u sebeletsa pholiso ea hao. "Ke e lumela ka pelō ea ka eohle." Joale, le se ke la phethesela. Le apare tšabo ea ruri. Le apare tšabo kamoo le ka khonang.

Joale a re rapeleng hape.

²⁵⁶ Joale ke batla ho le botsa, le sa inamisitse lihlooho tsa lōna. Efèla ha Jesu a tsohile bafung... Joale, hona ha se ho le folisa. E mpa e le nētefatso ea hobane O tsohile bafung. Haeba Jesu Kreste a tsohile bafung, ha re bua ka pholoso le ka pholiso, O se a e lefetse Kalvari. Na ho joalo? E reng, "Amen." [Phutheho e re, "Amen."—Mohl.] A ke ke a etsa letho; feela, ho etsa ho hong, ka

mokhoa oa pontšo kapa mohlolo, ho u tsebisa hobane U tsohile bafung. Haeba A ka e etsa hang, tsona lintho tseo A li entseng mehleng ea Hae mona lefatšeng, u tlameha ho Mo amohela. Na ho lōkile? [“Amen.”] Na le tla etsa joalo? Haeba le tla etsa joalo, phahamisang matsoho a lōna. Hae A ka etsa ntho e le ‘ngoe joalokaha A entse mehleng ea Hae lefatšeng mona, na le tla e amohela? Molimo a le hlohonolofatse. Lipheresente tse lekholo.

²⁵⁷ Joale, Ntate, ke U rapela ho haulela. ’Me joale, tlotsong ea Hao, Morena, ke U rapela ho e aba hantle hona mona, kajeno, ka tabernakeleng, ho e batalatsa ka mehla, hore U tsohile bafung. Joale, ka Lebitso la Jesu Kreste, ke kōpa lehlohonolo lena tlotsong ea Molimo. Amen.

²⁵⁸ Joale, tlotsong ea Molimo, le bakeng sa Matla a Hae a tsoho, bakeng sa matla a sa sitoeng ke letho a Molimo, ke beha joale moea o mong le o mong ka mona tlas’ a taolo ea ka, ka Lebitso la Jesu Kreste. Ka hona, le etse kamoo le laeloang kateng.

²⁵⁹ ’Me joale ke batla mofumahali eane, *mona*, ho emella hantle mona pel’ a maekrofounu. Ke tseba mofumahali. Ke—ke kholoa lebitso la hae e le Sutton, ha ke fos- . . . [Khaitseli o re, “Che. Cobb, joale.”—Ed.] Oh, Cobb, ke masoabi. ’Me ke bone mosali eo pele, o etela tabernakele mona hang ka nako. ’Me joale, empa, ha ke tsebe letho ka bothata ba hae. Empa joale mokhoa feela oo nka tsebang letho, ke ka ho bolelloa ke Molimo ka mokhoa o itseng. Na ha e joalo, Mof . . . [“E, ke eona.”] Cobb? [“Ke hantle.”] Cobb? Ho lōkile. Cobb, e ka ba lōna, ke lebitso la hao joale? [“E.”] Ho lōkile. Ho lōkile.

²⁶⁰ Mof. Cobb, mokhoa feela oo nka tsebang letho ka bothata ba hao, e ka ba ha Molimo o ntšenolela eona. [Khaitseli o re, “E.”—Mohl.] ’Me, hape, ha A ka e phethisa, e tlameha ho hlahisoa ke Matla a mohlolo e seng a motho. E tla tlameha ho tsoa Matleng a Khethehileng. Ha ho joalo? [“Ke hantle.”] ’Me hape, ka ho etsa hoo, na u tla thusoa ho lumela hoba ke u boleletse ’Nete ka tsoho ea Hae? [“E.”] Ua bona?

²⁶¹ Na e tla le thusa ho lumela, motsoalle? [Phutheho e re, “Amen.”—Mohl.]

²⁶² Joale, hola—hola Jesu a eme mona a apere sutu ena A mphileng eona? [Khaitseli o re, “Ho bokoe Morena!”—Mohl.] Ua bona? ’Me A—’me A ne a eme mona, haeba e le . . .

²⁶³ Joale, mosali a ka tšoha a kene mathateng a lichelete. A ka ba le mathata a lelapa. A ka ba le mathata a maloetse. Ha ke tsebe. Ke Molimo o tsebang. Ha ke tsebe. Nke ke ka u bolella. A ka tšoha a entse ntho bophelong ba hae, se ka tšohang se bakile bothata ho mo oela holimō. Ha ke tsebe. Molimo o etsa hoo. Ha ke khone.

²⁶⁴ Empa, A ka mpolella. Be, ke eona taba. Jesu o itse, “Ha Ke etse letho pele Ntate a Mpontša.” E tlameha ho hlahisoa ke hoo.

²⁶⁵ Joale, seo ke se etsang ho mosali enoa mona, e tla be e se ho bala mohopolo oa hae. Che, monghali. Molimo o e hanele hle. Molimo o e tseba e fosahetse. E ke ke ea eba eona. Molimo Leholimöng, e leng moahloli oa ka, o e tseba e se eona. E fosahetse, ua bona. Ha se ho bala mohopolo oa hae.

²⁶⁶ Empa, e tla tla ka Matla a tsoho, Jesu Kreste ka Kerekeng ea Hae. Shebang Petrose le bao, mohla ba emeng mono 'me ba shalimme batho. Kamoo Pauluse le bao ba fapaneng ba kileng ba shalima holim'a batho, 'me ba lemohile lintho tse itseng tse phoso.

²⁶⁷ Jesu, puisanong le mosali selibeng, O ile a ntšeletsa moqoqo le eèna. Joale, bohole re tseba seo, Santa Johanne e—e khaolo ea 4. O qoqile le mosali selibeng. 'Me puisanong le mosali selibeng, O ne a mpa a tšoara moea oa hae.

²⁶⁸ Ntate o na be a 'Moleletse ho nyoloha ka la Samaria. Jeriko e ne e le moo A habileng teng. E ne e otlolohile hantle ka mokhoa *ona*, ho tsoa Jerusalema. Empa A nyoloha a potoloha, Samaria, ka ha Morena a Mo laetse ho nyolohela mono.

²⁶⁹ 'Me eaba O lula selibeng; ho roma barutuo ba Hae. O tsebile mosali a tla fihla. Hoba a fihle ka nkho ea hae ea metsi, O itse, "Mphe metsi."

O re, "Ha se moetlo ha U nkōpa tse joalo."

²⁷⁰ A re, "Empa hola u tsebile Eo u buang le eèna, u ka be u kōpile metsi ho 'Na. Nka be ke u file metsi ao u sa tläng mona ho a kha."

²⁷¹ Na ke eona? [Khaitseli o re, "E."—Mohl.] Eaba, moqoqo hoba o tsoelle nakoana, qetellong A fumana bothata ba hae hantle feela. ["E."] Ho re, "Ea lata monna oa hao." ["E."]

O itse, "Ha ke na eèna."

²⁷² Ho re, "Ke hantle. Ke hantle." Ho re, "U bile le ba bahlano le eo u lulang le eèna ha se monna oa hao."

²⁷³ A re, "Ke a lemoha hobane U Moporofeta. Ke a tseba Messia mohla a tlileng O tla etsa sena, hobane U tla re bolella lintho." [Khaitseli o re, "Ho lebohuoe Molimo."—Mohl.] "Empa Uena u mang?"

Ho re, "Ke 'Na, ea buang le uena."

²⁷⁴ [Khaitseli eo o re, "Amen."—Mohl.] Joale, e ne e le Jesu maobane. ["Ho lebohuoe Morena."] Ke Jesu kajeno. ["Ho rorisoe Lebitso la Hae."] Joale, hore ho tle ho . . .

²⁷⁵ Ho uena, mofumahali, mokhoa feela oo nka tsebang ka ona, ke khokano ea mofuta lipakeng tsa ka le uena, le Molimo, hoo ho tla e tsebisa. [Khaitseli o re, "E."—Mohl.]

²⁷⁶ Na u kile ea bona setšoantšo se katlalitsoeng sa Lengeloi la Morena le emeng haufi le 'na, Leseli leo, na u a tseba? [Khaitseli

o re, “E, ke entse.”—Mohl.] Uena, u bone tse ling tsa lintho tseo? [“Ke se bone. Ehlide ke e entse.”]

²⁷⁷ Ana kereke e kile... Oh, le Se bone, mona ka kerekeng, ehlide. [Phutheho e re, “Amen.”—Mohl.]

²⁷⁸ Joale, ke Seo ke lekang hore se re atamele hona joale. Joale, Leseli leo ke eona Topallo ea Mollo e tsamaisitseng bana ba Iseraele, eona e ne e le Jesu Kreste, ke hantle, Lengeloi la selekane. O ne a nkile sebopaho se holim'a tlholeho mohlang oo, sa Leseli.

²⁷⁹ O ile a theoha, e ne e le nama. O itse, “Ke tsoile ho Molimo, 'me Ke khutlela ho Molimo.”

²⁸⁰ “Ho se ho se ho kae 'me lefatše ha le sa tla Mpona, empa lōna le tla Mpona.” *Lefatše* ke “mosalumele.” “Lōna le tla Mpona, hoba Ke tla ba le lōna, ho isa bofelong ba lefatše.”

²⁸¹ [Khaitseli o re, “Oh, ho bokoe Molimo. E, ho bokoe Morena.”—Mohl.] Joale, Morena a rorisoe! 'Me u a tseba hore kea... ke... nthoe e ntse e etsahala.

²⁸² Joale, ho letšoelle, ke batla le apare tšabo. Empa, joale, lona Leseli leo, ho bokoe Molimo, le atamela mona lehlakoreng la ka le letona. Le tsamaea lipakeng tsa ka le mosali. Joale bophelo ba hae bo ke ke ba pateha.

²⁸³ Joale, khaitseli ea ka, Ntho e holim'a hao joale e ke ke ea u lematsa. [Khaitseli o a lla—Mohl.] Ke ho u thusa. Ke eona feela tsela ea pholoso. [“E. Ho bokoe Morena.”] Uena, u mona... .

²⁸⁴ Che, ha u lule motseng mona. U lula New Albany. [Khaitseli o re, “E.”—Mohl.] U lula New Albany. [“Ho bokoe Molimo.”] 'Me u tlas'a-u tlas'a tlhokomelo ea ngaka. 'Me ngaka e u boleletse hoba ke ntho ea mofuta, ntho e qoqothong. Ntho... Ke maemo a bronck'hale qoqothong ea hao. 'Me o u boleletse, le ho u eletsa, ho falla naheng ena, ho tloha mona, e le o feela mokhoa oa ho phekoloa. [“E. Ke hantle.”] Na u lumela Morena Jesu a ka folisa sena? [“E. Khanya ho Molimo.”]

A re inamiseng lihlooho tsa rōna.

²⁸⁵ Ntata rōna oa Lehelimō, ho bea matsoho holim'a mosali, tlas'a tlolo ea Moea o Halalelang, ke khalema bothata bona, U mo folisitse Kalvari, kōpo ke hore a lokolohe. Ka Lebitso la Jesu Kreste ke a rapela. Amen.

²⁸⁶ [Khaitseli o lla, khabareng eohle ea thapelo ea Moena Branham, a ntano re, “Ho lebohuoe Morena.”—Mohl.]

²⁸⁷ Ikele ka khotso, khaitseli ea ka, 'me Molimo a u hlohonolofatse a be le uena, ke thapelo ea ka. [Khaitseli o khutlela setulong sa hae a ntse a lla—Mohl.]

²⁸⁸ Joale, Morena a ke a bokoe! Aparang tšabo joale. Shebang. E bang le tumelo ho Molimo. Le se belaele.

²⁸⁹ Ke batla u shebe nqa ena, mofumahali. Joale, Eo e leng Ea . . . re ka pel'a Sefahleho sa Hae, ea tsebang lintho tsohle, le ho u tseba ho tloha hona tšimolohong. Ea u fepileng thojana e 'ngoe le e 'ngoe ea lijo tseo u kileng ua li ja. O tseba tsohle ka uena. Nka tšoha ke sa u tsebe, empa Molimo o a u tseba. U a tseba hore u mang, u tsoa kae, tsohle ka uena, seo u se entseng bophelong ba hao. 'Me Ke eèna feela Ea ka u folisang, kapa ho u etsetsa seo u lakatsang ho se etsetsoa. U a tseba hobane ha ke e tsebe. Molimo o inotši tla tšoanelo ho ntšenolela eona. [Khaitseli o re, "Ke hantle."—Mohl.] Na ke 'nete eo? Phahamisa letsoho la hao haeba e le 'nete. ["Ke 'nete."] Ke hantle, sheba nqa ena nakoana feela.

²⁹⁰ [Moena Branham o a thola-thola—Mohl.] Nakoana feela. Joale, e mong le e mong a apare tšabo.

²⁹¹ Lengeloi la Morena ke lena le eme hantle *mona*, feela . . . Le holim'a mothoana . . . Le holim'a ngoanana enoa ea lutseng hantle mona. Ngoanana o lutse mono le baratuoa ba hae. Ngoana o jeoa ke maemo a mofuta qoqothong ea hae. Ke maemo a qoqotho, maemo a litemetoane. Ke hantle, ha ho joalo, monghali? Beha letsoho la hao holim'a hae.

Morena Molimo, ka Lebitso la Jesu Kreste, Satane o pepesitsoe.

²⁹² 'Me ke khalema letemona leo le tšoereng ngoana. Tsoa ho eèna, ka Lebitso la Jesu Kreste. Amen.

²⁹³ Moena, u tsoa hole, ho tlisa ngoana. Empa se belaеle, u khutlela lapeng le eèna ho ea phela. Tumelo ea hao e u pholositse.

E ba le tumelo ho Molimo. [Moena Branham o a thola-thola—Mohl.]

²⁹⁴ Ha u tsoe Jeffersonville, le uena. U tsoa hole le Jeffersonville. [Khaitseli o re, "Ke hantle."—Mohl.] U tlie u tsoa bochabela, u ea bophirimela, ha u ne u tla koano. ["Ke tsoa Edinburg."] 'Me u tsoa . . . u theohile ka tsela, e—e tsela ea konkreiti. 'Me o tsoa motseng o kang o lutse letsohong le letona la tsela. Morero o itseng oa 'muso o tsoeletse mono. Ke Edinburg, Indiana. ["Ke hantle."] U tsoa Edinburg, Indiana. ["Ke hantle."] 'Me lebitso la hao, ke bona holimo mono, ke Denton. ["Ke hantle."] 'Me lebitso la hao, ke Denton. ["Ho bokoe Morena."] 'Me u jeoa ke maemo a pelō. ["E."] Khutlela lapeng u phetse. Tumelo ea hao e a u phekola e a u phelisa, ka Lebitso la Morena Jesu Kreste. U ke u tlohe 'me u phele. Amen. Molimo a u hlohondolofatse. ["Ho bokoe Morena!"]

²⁹⁵ E ba le tumelo ho Molimo. Lumela ka pelō eohle ea hao. Joale, ho batho, e bang le tumelo! Le se belaеle. Le lumele feela joale. Le a Mo lumela na? [Phutheho e re, "Amen."—Mohl.] Oh, banna! Enoa, ha se 'na; Eèna, Ke Jesu ea tsohileng. Ke eèna Ea leng teng mona, ho phethisa. Tsena ke lintho tse tšoanang le tseo A li entseng, ke hantle, tsona lintho tseo A li entseng.

²⁹⁶ Joale, mofumahali, uena le 'na re kōpana mona hoseng hona. Molimo o re tseba bobeli ba rōna. Ha ke tsebe letho ka uena. U lemoha seo. Empa Molimo o a u tseba. O a ntseba. 'Me Moea oa Hae o mona lipakeng tsa rōna.

²⁹⁷ Ke batla ho u botsa taba tabernakele ena e tle e tsebe. Bophelo bohole ba hao, ha u eso ikutloe joalokaha u ikutloa hona joale, ke hantle, hobane u ka pel'a Sefahleho sa Boleng ba Hae bo sa sitoeng ke letho. Na u kile ua bona setšoantšo seo sa Leseli? Ke eona ntho e u lhahisetsang maikutlo ao. Ke phela lefatšeng le leng ka nako. Nka u bona, nka re feela motho o eme pel'a ka. 'Me u a tseba hobane ke maikutlo a lerato, a mosa, a boikokobetso. Eo ke Morena Jesu ea tsohileng bafung. O khutletse Moeeng oa Bophelo, Molimo. 'Me joale O na le rōna mona. Ho isa bofelong ba lefatše, O tla ba le rōna.

²⁹⁸ U Mokreste. U molumeli. [Khaitseli o re, "Ke hantle."—Mohl.] 'Me mona ha u tla ikemela. Mona u emetse monna, 'me monna eo ke mohatsa'o. 'Me mothapo oa monna eo o phatlohile. 'Me ntho e 'ngoe, ke a 'mona, o ntse a noa bareng. Ke lekhoba la tahi. Eēna, o a noa. 'Me hore monna eo a loaneloe. Na ho joalo? Joale u a tseba, mofumahali, lintho tseo li ke ke tsa fihleloa ke mohopolo oa motho. Na ha ho joalo? ["Ke hantle."] Taba eo e tlameha ho senoloa ke Molimo. Na u lumela lebakeng leo joale? ["Ke etsa joalo."]

²⁹⁹ Molimo o Matlaohle, Ea tsotsitseng Jesu bafung, 'me re mona kajeno re thabetse lehlohonolo la tsoho. Ke hlohonolofatsa enoa, lekhabunyane le Hao, 'me a fuoe seo a se kōpileng. Ke rapela ka Lebitso la Jesu. Amen.

³⁰⁰ Molimo a u hlohonolofatse, khaitseli ea ka. E-ea, amohela sohle seo u se kōpileng. Molimo a se abe.

Le a lumela? [Phutheho e re, "Amen."—Mohl.]

³⁰¹ Ho lōkile, monghali, ntalime. Ke bolela, e seng ho talima . . . Ke bolela, joaloka Petrose le Johanne ha ba fetile khorong e bitsoang e Lōkileng, ba itse, "Re talime." Ke a kholoa ha re tsebane. Ha re tsebane; e ka ba khetlo la rōna la pele re bonana. Na ena ke ketelo ea rōna ea pele, le ka mohla, khetlo la rōna ho bonana? [Moena o re, "E."—Mohl.] Ke hantle. Ka hona, ka botlalo, re basele ka ho phetheha. ["Ke hantle."] Ha ke eso u bone, 'me le uena ha u eso mpone. 'Me ke rōna bana, banna ba babeli ba kōpane mona bophelong. Molimo o re tseba bobeli, na ha A etse joalo, monghali? ["O etsa joalo."] O hlile o etsa joalo. 'Me joale haeba ntho e le teng ka uena . . .

³⁰² [Moena Branham o a thola-thola—Mohl.] Ntho e etsahetse. Joale le apare tšabo, e mong le e mong. [Moena Branham o a thola-thola.]

³⁰³ Ke mofumahali ea lutseng mona, a rapela, hantle morao mona. O tšoenngoa ke ho sokoa. Ema, motsotso feela, mofumahali. Ke 'nete, ha se eona? [Khaitseli o re, "E."—Mohl.]

'Me pelō ea hao e a tsetsela. Ha se letho e mpa e le ho sokoa, hobane u methapo ebile u ferekane. Empa u khutlela lapeng ho phela. ["Ke a U leboha, Jesu."] Ke bona ho ela mathokong a hao, athe e ne e le lefifi. ["Ke a U leboha, Jesu."] Se tšabe. Feela...

³⁰⁴ Ua bona, ha u hloke setlankana sa thapelo. Ntho u e hlokang feela ke tumelo. Eba le tumelo ho Molimo feela.

³⁰⁵ [Khaitseli o re, "Jesu, ke a U leboha, Morena."—Mohl.] Molimo a u hlohonolofatse, mofumahali. ["Ke a U leboha, Jesu."] Lumela ka pelō eohle ea hao. ["Ke a U leboha, Jesu."]

³⁰⁶ Joale, moea o mobe o sa qala o haola karolong ena *mona*. Motho o teng ea bitsang. Thapelo e a etsoa. Ke bona motoa o lefifi o tloha ho mosali o ea ho monna. Ke ntho e mpe, 'me e tlas'a khopo hantle. Ke bona hlahlolo. Oh, ke monnana ea lutseng *mona*, a rapela, a phumula mahlo a hae. Molimo a u hlohonolofatse, moena. E ba le tumelo! U a lumela ke moporofeta oa Molimo na? Na u nkamohela ka mokhoa oo? Joale, bothata ba hao ke bothata ba mosali ea lutseng koana ntlheng ea mola a nchebile, hantle kantle mane a roetse katibanyana e khilikoe. Ho hlaha lesoti le lefifi. Mosali ea shebileng nqa hlooho ea mosali enoa, a nchebile hantle mona, o phahamisitse letsoho la hae. Ke eona, mofumahali. Ke hantle. Ke ena, o tloha ho e mong ho ea ho e mong. Ke matla a mabe, a hulang; motoa o lefifi. U na le bothata, ke tlas'a lehlakore la hao mona hantle. Ke maemo a pululana ea nyooko. Mofumahali ea mane o tšoeroe ke eona ntho eo. Le folile bobeli ba lōna. Jesu Kreste o a le phelisa. Matla a mabe ao a tla tloha, 'me le tla lokolloa. Amen.

³⁰⁷ [Moena Branham o a thola-thola—Mohl.] E bang le tumelo! [Moena Branham o boela a thola-thola. Phutheho e rapella holimō.] Joale, nakoana feela. Moea o Halalelang o kahar'a letšoele, ho sebetsa le batho kantle mane.

³⁰⁸ Mofumahali eane ea phahamisitseng matsoho a hae, ho na le mofumahali ea lutseng pel'a hae hantle, ke bona hlahlolo ea hae. O na le bothata ka kanale ea mala. Ho joalo, mofumahali. Na u lumela hoba Molimo o tla u phekola? U na le bothata ba mala. Ke hantle. Phahamisa letsoho la hao. Na u amohela Jesu joale e le mophekoli oa hao? Ka Lebitso la Jesu Kreste Mora oa Molimo, Ea leng teng mona ho tsebahatsa, amohela pholiso ea hao ka Lebitso la Jesu Kreste.

³⁰⁹ Ke bona mofumahali a phuthetseng hlooho ka ntho. E ka re... Oh, ke mofumahali ea lutseng hantle ka mora hae, mofumahali oa bobeli ea lutseng mono. O opeloa ke lihlooho tsa mofuta. Khafetsa, lihlooho tse opang. O shebile nqa ho 'na. Na u a lumela, mofumahali, ea lutseng mono, mothoana, mosali ea hlooho-putsoa, hore Molimo o tla u phekola? Na u lumela ka pelō eohle ea hao? [Khaitseli o re, "E."—Mohl.] Ke hantle. Molimo a u hlohonolofatse. Ho felile ka eona. U ka ea lapeng joale. E

u tlohetse, hantle lekhatheng leo. Haeba e le 'nete, phahamisa letsoho la hao. Tsokotsa letsoho, haeba e le 'nete. E u tlohetse. U phekotsoe.

³¹⁰ Oh, ho bokoe Lebitso la Morena Jesu! Tloong, le lumela. Moea o Halalelang o tsamaea moleng. Oh, ho babatseha hakakang! Na le a Mo lumela? [Phutheho e a nyakalla—Mohl.] Shebang seo A se entseng! Ekare nka hlalosetsa kereke ea ka seo maikutlo ana a leng sona, kamoo ntho eo, lefatšeng le leng, u tlameha ruri ho ipotsa haeba u le tabernakeleng, kapa che. Le apare tšabo. Le apare tšabo.

³¹¹ Ke bona motho ea tsoang hole, hole. E fihla kahar'a e—kahar'a sebaka. Ke monna. O tsoa naheng e lifate li ngata. Ke Virginia. O jeo a ke arthritisi. Na u a lumela Molimo o a u phekola le ho u folisa? U a e amohela na? U etsa hoo na? U tsoa Virginia, mona, ho folisoa arthritisi. Na ha se hantle? Hole koana...E, monghali. U folile joale. U ka khutla. 'Me bothata ba pelō ea hao bo u lesitse. Tsoa moleng 'me u khutle, u phetse. Molimo o a u phelisa. Tumelo ea hao e u pholositse.

³¹² Lumelang ho Morena Jesu Kreste! Le a lumela O tsohile bafung? [Phutheho e re, "Amen."—Mohl.] Likholiso tse sa tlaileng tsa tsoho ea Hae! [Moena Branham o a thola-thola.] E bang le tumelo!

³¹³ Joale, ntšoarele, monghali. Ke masoabi ho u tšoarella. Ha ke—ke khone ho se laola. Se a ntaola; ha se 'na ea Se laolang. Ke Sona se ntaolang. Nka bolela hobane ke fokola haholo. Empa ke a tseba ke haufi le motho, monna ea hlooho-putsoa. Re a...Ke a tseba u roetse ligalase. Etsoe, e ka ba bothata ba hao boo, e tla ba ke mahlo a hao. Empa Molimo o tseba tsohle ka uena, monghali. Ke hantle. U tlie koano ho folisoa e—e...U jaoea ke methapo, u hlile u ferekane. E bakiloe ke e—e bothata ba porosetate. U na le bothata ba porosetate. Haeba e le 'nete, phahamisa letsoho la hao. 'Me o bile u jaoa ke pelō. Ke hantle. U etsa joalo. 'Me, sheba, ke bona ntho ea hao...Ha ke eso u bone bophelong ba ka. Empa litlhaku tsa hao ke A. A. Miller. Ke hantle, u koana Mount Valley. U khutlela lapeng, ho folisoa. Molimo a u hlohonolofatse. E-ea, u nyakaletse, 'me u lumele.

³¹⁴ Mongh. Mills, ho bobebé ho uena. Joale u tlameha ho tloha, u lumela ka pelō eohle ea hao. 'Na ke o sele ho uena, ha ke u tsebe, empa Molimo o a khona. Na ho lōkile? Na u utloa ntho eohle e tlohile, e itōketse hona joale? Molimo a u hlohonolofatse. E-ea lapeng 'me u fole.

E mong le e mong oa lōna!

³¹⁵ Pelō e tsetselang e ka ba eng, ho Molimo? A ka e folisa nako efe feela. A ka u busetsa Campbellsburg, e ka bang kae, u le mosali ea phetseng. U a e lumela na? Ha ke u tsebe. Ha ke eso u bone bophelong. Ke molata ho uena. Empa O a u tseba, le hore u mang, le moo u tsoang teng. Na ho joalo? O u senoletse eona.

Na e lōkile? Be, na u lumela tlolo ena e holim'a ka hona joale, e u tsebang le sohle ka uena, (ha ke eso u bone pele le ka mohla), ha nka u bea matsoho, na u tla phela? [Khaitseli o re, "E."—Mohl.]

³¹⁶ Ka Lebitso la Jesu Kreste, ke khalema liabolosi. Satane, u pepesitsoe. U hulantse batho bana liforong halelele ho lekane. Tsoa ho mosali, ka Lebitso la Jesu Kreste. Amen.

U ka ikela, u thabile.

³¹⁷ Bothata bo mokotlong oa hao, empa Molimo o ka u folisa. Na A ke ke a khona? Ho khona ho u phekola! U a lumela hobane U e entse? Ha u ka e lumela ka pelō eohle ea hao! Ka Lebitso la Jesu Kreste, Mora oa Molimo, ke khalema boloetse bona. U tlohe 'me u phele. Molimo a u hlohonolofatse. E-ea, u lumela ka pelō eohle ea hao.

³¹⁸ Tloo, na u tla etsa hoo. Ka pelō eohle ea hao, joale, na u a lumela? [Khaitseli o re, "E."—Mohl.] Ke molata ho uena. Ha ke u tsebe, ha ke tsebe letho ka uena. Ha ke eso u bone bophelong ba ka, kamoo ke tsebang. Empa Molimo o Matlahole o a u tseba. Na ha A etse joalo? O tseba tsohle ka uena. O tseba hoba u mang, ntho e 'ngoe le e 'ngoe. 'Na che, ha ho mokhoa ho 'na ho tseba, empa O etsa joalo. Empa na u lumela ueme ka pel'a Sefahleho, e seng sa moena oa hao, empa sa Ea talimileng mosali le ho 'molella bothata ba hae? ["E."] Ke a bona, lipakeng tsa ka le uena ho ema tafole, 'me u tloha ho eona. U na le bothata ba mala. Bo bakiloe ke alsaa ea tšilo. Joale u ka tloha ho ea ja tinara ea hao. Jesu Kreste o a u phekola. E-ea, u lumela ka pelō eohle ea hao. ["Ho bokoe Morena! Ho bokoe Morena!"]

³¹⁹ Tloo, mothaka e mocha. U a lumela ke moporofeta oa Hae? [Moena o re, "Ke etsa joalo."—Mohl.] Ka moea ohle oa hao, u a e amohela na? Ke molata ho uena, empa Molimo o a u tseba. Na ha se 'nete? ["E. Ke hantle."] U batla ho hlola bothata ba pelō 'me o phele? ["Ke etsa joalo."] Ho lōkile, u ka ikela, u nyakaletse. ["Alleluia!"] Tumelo ea hao e a u phelisa, ho u folisa le ho u phelisa.

³²⁰ Na u ka tla, mofumahali? U ne u jeoa ke mpa, le uena. 'Me eitseha mofumahali eo a phekoloa metsotsong e 'maloa feela e fetileng, a jeoa ke mpa, maikutlo a mohlolohaholo a u arubelitse, na ha a etsa? U ile ua folisoa, ka eona nako eo. Ikele, 'me u je tinara ea hao, 'me u phele.

³²¹ Ke batla ho bua taba e 'ngoe, moena oa ka. Molimo o a u tseba. Lipakeng tsa ka le uena ho eme seriti se lefifi. Ke boloetse bo bolaeang batho ho feta ntho efe e sele. Ke lefu la pelō. Pelō ea hao e a lutla, 'me ba re u ke ke ua e hlola. Empa Molimo o tseba u ka e khona. U a lumela Molimo o tla u folisa hona joale? [Moena o re, "E."—Mohl.] Ka Lebitso la Jesu Kreste, amohela pholiso ea hao, 'me u tlohe kalaneng ena u le monna ea phetseng. E-ea, u ntse u rorisaa 'me u tlotlisa Molimo! ["Ke a U leboha, Morena oa ka."]

³²² Bothata ba hao bo tšoana le bona boo. E bakiloe ke pelō ea linerefe, le hona, maemo a hao. Ke hantle. Joale na u lumela hobane u folile? U ka khutlela lapeng la hao, u nyakaletse, 'me u folisetsoe khanya ea Molimo.

³²³ Sheba mona, mofumahali. Na u a lumela? Motsotso feela. [Moena Branham o a thola-thola—Mohl.] Rōna ha re tsebane ka botlalo. Ha re tsebane.

³²⁴ Empa ho na le sefutho se tšabehang se tsoang kalaneng... kapa, bathong, ka nako ha mofumahali a na a nyolohela koano. Oh, se hohle holim'a letšoole.

³²⁵ Talima nqa ena, motsotso feela. Ua tseba, mofumahali, ha ke eso u bone bophelong ba ka, ha ke tsebe letho ka uena. Ke Molimo o inotši o u tsebang. Empa, ke a u bona, u a—u ferekane ka botlalo. Ke linerefe. Kelello ea hao e khathetse, 'me u—u liha lintho ka linako tsohle. Ke u bona u liha lijana le lintho. 'Me u ne u rapela, pejana feela u tla koano, setulong, se pel'a fuluru. 'Me u kōpile Molimo, ha u ka fihla mona 'me ka u beha matsoho, u tla fola. Eo ke 'nete. Na ha e a lōka? Phahamisa matsoho a hao. Ke hantle.

Ke moea. Ntho eo e hohle holim'a letšoole.

³²⁶ Mofumahalinyana eo ea lutseng hantle *mane*, moruti oa Bibele, ea lutseng mono u jeoa ke eona ntho eo. Liabolosi o ntse a u thetsa, mofumahali. U mothating oa ho lokolloa.

³²⁷ Shebang mane, hohle holim'a moaho, mona, hohle. E mong ke enoa u lutse hantle *mona*. E mong ke *eane* hantle koana. E mong ke enoa *mona*. Oh!

³²⁸ E mong le e mong oa lōna ke bothata ba linerefe, emang ka maoto a lōna motsotso feela. Ka kōpo, emang ka maoto a lōna.

Joale inamisang lihlooho tsa lōna, e mong le e mong.

³²⁹ Oh, Satane, uena moea o mobe! U pepesitsoe. Tsoa bathong bana. Ke a u khalema, ka Lebitso la Jesu Kreste. Tsoa bathong bana. Tsoa.

³³⁰ Sheba mona joale, mofumahali. Motsotso feela. Joale u lokolohile. E u tlohetse eohle. Ke batla ho botsa... E mong le e mong oa lōna o folile. Sehlopha sohle sa lōna se folile. Bobe bo tsoile ho lōna. Joale u ikutloa u khutsitse haholo. [Khaitseli o re, "Yaa."—Mohl.] U itōketse joale. Joale u ka ikela, u thabile, u nyakaletse, u leboha Molimo ka eona. Ke hantle.

³³¹ Tloo, monghali. Uena le 'na ha re tsebane ho hang. Ha re tsebane. Ha ke eso u bone, bophelong ba ka. Molimo o a u tseba. [Moena Branham o a thola-thola—Mohl.] Sheba mona, monghali. Ntalime feela motsotso.

³³² Joale, ho letšoole. Molata ke ona. Ha ke eso bone monna. Ha ke mo tsebe, ha ke eso 'mone. Molimo o tseba seo. Ho latèla tsebo ea ka, ha ke eso 'mone, bophelong ba ka.

³³³ Empa ke tlaleha Jesu a tsohile bafung, hore tsona lintho tseo Jesu a li entseng mehleng ea Hae mona ka e—ka 'mele oa oo le khonneng ho o bona, o teng mona kajeno hantle o etsa tsona lintho tseo. O tsohile bafung, le ho phela ka mehla eohle. Ho lehlohonolo mahlo a lōna a bonang lintho tsena 'me le lumela ho Morena Jesu!

³³⁴ Monna enoa, molata. Ha ke eso 'mone, 'me mohlomong ha eso mpone le ka mohla. Haeba ke entse... Haeba nkile ka 'mona, Molimo o ntseba ke sa e hopole. O ipoletse e le molata ho 'na. Empa Molimo o a mo tseba. Haeba Molimo o tla senola, ho monna eo ea emeng mono, molata ka bottlalo ho 'na, hantle feela se phoso ka eēna, tsohle ka eona; ho bolela se phoso ka eēna, e ka bang eng, 'me o a ntseba hobane ha ke tsebe letho ka eona, na le tla amohela Kreste e le mofolisi oa lōna, e mong le e mong oa lōna? [Phutheho e re, "Amen."—Mohl.]

³³⁵ Moaho o qala o nyamela 'me o boela o khutla. Holane la lemoha lebaka leo ke buisang le lōna ka lona, metsoalle! U kena lefatšeng le leng. U sebakeng se fapaneng. U tlase koana molapong oa nako, bophelong ba motho e mong, u a ba bona, hore ke bomang le moo ba leng teng. Ha le e lemohe. Ke a lemoha hore ha e joalo, kahare ka mona ha e sebetse ka ho phethahala, hobane ke lapeng. Ke hantle. Empa le a bona hobane U tsohile bafung. Le a bona hobane ke le boleletse 'nete.

³³⁶ Joale ntalime, monghali, motsotsotso feela, e le hore 'na le uena re holehane le Morena Jesu. Haeba ke le mohlanka oa Hae, Jesu o itse, "Lintho tseo Ke li etsang le lōna le tla li etsa."

³³⁷ "Ho se ho se ho kae 'me lefatše ha le sa tla Mpona," eo ke mosalamemele. Ba tsoile ba ile lipapaling tsa bolo le ho tola, le lintho tse joalo. Ba ke ke ba 'Mona.

³³⁸ "Empa lōna le tla Mpona, hoba Ke tla ba le lōna, ka ho lōna, ho isa bofelong ba lefatše."

³³⁹ Hape, haeba A tsohile bafung, 'me A eme mona hoseng hona, 'me tlolo ena e holim'a joale ha se ea ka, empa Ke ea Hae. Ka hona u ke ke ua pata bophelo ba hao le holane u tlamehile, hobane re holehane, ka Boleng ba Moea. Ha Molimo o ka ntšenolela lebaka leo u emeng mono ka lona, na u tla e amohela ka pelō eohle ea hao? [Moena o re, "E, monghali."—Mohl.] U tla e etsa? ["E, monghali."]

³⁴⁰ U na le bothata ba mpa. [Moena o re, "Ke hantle."—Mohl.] Ke hantle haholo. 'Me lebaka la eona, kahobane u le e... Ke maemo a linerefe. 'Me ha se linerefe, kantle, linerefe tse tsukutlang. Ke a u bona u motho ea nahananang ka botebo. U lula u loha ntho e itseng, u tšela marogo pele u fihla ho ona. U etsa lintho tse sa hlaheng le ka mohla, 'me taba eo u e boleletsoe pele. Ke hantle. Empa ho u bolella ha ho a ba thusa letho, hobane... Empa joale e tla etsoa, hobane u phekotsoe. U khutlela lapeng u le monna ea phetseng. Jesu Kreste o u phelisitse.

³⁴¹ Ka Lebitso la Jesu Kreste Mora oa Molimo, ke khalema moea o mong le o mong o mobe o tubileng monna enoa. 'Me a ikele ka khotso, ka Lebitso la Jesu Kreste. Amen.

³⁴² [Moena o re, "Ke a u leboha, moena. 'Me ke tla u hopola, le 'na."—Mohl.] Molimo a u hlohonolofatse.

³⁴³ Na le ntse le lumela? [Phutheho e re, "Amen."—Mohl.] Ka pelō eohile ea lōna? ["Amen."] Na le a lumela Jesu Kreste o tsohile ka Paseka? ["Amen."] Na le a lumela Boteng ba Hae bo mona joale? ["Amen."] Na le tla nkutloa joaloka moporofeta oa Hae? ["Amen."] Haeba le tla etsa hoo, hoo ho le joalo, e mong le e mong oa lōna a ka folisoa hantle hona joale. Motho e mong le e mong ka mona a ka phelisoa. Na le a e lumela? ["Amen."]

Ka hona inamisang hlooho ea lōna.

³⁴⁴ Molimo o Matlaohle, moqali oa Bophelo, moabi oa neo e 'ngoe le e 'ngoe, romela lehlohonolo la Hao le Khethehileng holim'a letšoile lena. 'Me joale e re Moea oa Hao o sa haola, le letšoile lena le mona le lutse malulong ana, ke khalema moea o mong le o mong o sa hloekang, letemona le leng le le leng le tlamileng batho ba kulang. Kreste o teng mona, eo Ea butseng menyako 'me a lokolla bahōlehuoa, 'me e mong le e mong oa bona o lokolohile hobane Jesu o tsohile bafung le ho Ikholisa mona kajeno.

Satane, tsoa bathong, ka Lebitso la Jesu Kreste.

³⁴⁵ 'Me e mong le e mong joale ea lumelang... Ha ke tsotelle hore maemo ke afe. Lōna ba ikokotlelang ka melangoana mono, emang. Motho e mong le e mong a eme, ka Lebitso la Jesu Kreste, a phelisoe 'me a folisoe.



KHOLISO EA TSOHO EA HAE SST55-0410M
(Proof Of His Resurrection)

Molaetsa ona ka Moena William Marrion Branham, o reriloe sethatong ka Senyesemane hoseng a Sontaha Paseka hoseng, 'Mesa 10, 1955, Branham Tabernakel, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org